



故御史中丞馬公諱祖常字伯庸系出西裔延祐初設科舉以兩榜取士公應河南鄉貢及會試俱冠右榜時已稱公有文學初非以高科致儒名公志氣脩



田先生文集序





潔而筆力尤精詣務刮除近代  
南北文士習氣追慕古作者與  
姚文公燧元文敏公明善實相  
繼後先故其文詞簡而有法麗  
而有章卓然成家其在禮部為  
尚書在中書為叅議在御史臺  
為治書侍御史中丞在樞密為  
副使累階要官自奉清約讀書  
刻厲如始學者雖一語言不苟  
及以病歸終于家大夫士之聞  
者無不悼惜嗚呼篆鐘編磬淡  
乎其韻瑞璫盪琤栗然其光質



古而文益竒以之攷律呂之和  
資佩服之華皆用於宗廟朝廷  
之上者也詩曰惟其有之是以  
似之公寔有而似焉公之家世  
勛閼具國史及墓碑太原王守  
誠與趙郡蘇天爵在游從中感

知尤多故為序其文集至元五  
年己卯九月丁巳中議大夫御  
史臺都事王守誠序



石田先生文集序



文章何與乎天地之運哉元化之斡  
流神氣之推盪凡以之而生者則亦  
以之而盛衰焉吾嘗觀於禮與樂矣  
升降揖讓周旋裼襲之容屈伸俯仰  
綴埤繁瘠廉肉之節文之著也而樂  
由天作禮以地制禮樂不曰天地之



文乎昔者聖人之以禮樂為天下也  
治與運會文從而生焉世之為文章  
者蓋亦有出於此而已矣漢唐之治  
不及三代遠甚而其人之述作乃或  
有治古之風者為幸而際夫天地之  
運之盛也趙宗鉅儒載道之書與歐  
魯王蘇數子之文君子於是有所徵

矣而其運往治弛則凡以文鳴者皆  
靡然若緒風之泛弱卉也我國家龍  
起朔漠運符羲軒淳厯雅大之風於  
變四海士大夫爭自奮厲洗濯舊習  
至仁宗時遂以科目取天下之士而  
用之後儀馬公伯庸袞然以古文擢  
上第聲光煜如清河元文敏公謂其



所作可以被筦弦薦郊廟天馬寶鼎  
諸作殆未之能優也公早歲吐辭即  
不類近世人語言古詩似漢魏律句  
入盛唐散語得西漢之體嘗謂人學  
詩文固貴有師授至於高古奇妙要  
必有得於天吾未嘗有所授而為之  
討所嘗師者往為近世人語言吾

故自知吾之所為者非繇有所授而  
然也蓋公以英特之資而涵毓於熙  
洽之世自決科以來踐駁清華至為  
御史中丞其所際者盛矣則其文章  
又豈繇有所授而然哉國家且益崇  
禮樂以對天地之景運能言之士幸  
而際乎斯時則其所著當益有可觀



者而美盛德之形容以昭天地之至  
文則亦有賴於若人之為者而公不  
可作矣淮東憲使趙郡蘇伯脩甫彙  
公文藁若干卷將鏤梓以行於世適  
旅至廣陵乃使綴一言於編端伯脩  
在成均時公以監察御史試國子生  
得其所試碣石賦嗟賞不置伯脩以

學行政事致位通顯非徒以文知名  
獨不能忘昔之嘗知己者風誼之薦  
可以愧澆俗矣旅光州人而生于甌  
粵延祐中公以縑事入閩歸而告諸  
朝之公卿大夫士曰閩中有陳旅者  
可與言文事也則公亦旅之知己者  
矣追念曩日與公晤言至夜分不休



約他日還浮光為我結屋並石田山  
房暮年數往來相歡今則不然乃執  
筆序公遺文於空江落木之間俯仰  
人世不知涕泗之橫流也應奉翰林  
文字從仕郎同知制誥兼國史院編  
脩官陳旅序

石田先生文集序

昔者仁宗皇帝臨御天下慨然憫習  
俗之於文法思得儒臣以圖治功詔  
興貢舉紹羅英彥故御史中丞馬公  
首應是選入翰林為應奉文字與會  
稽袁公蜀郡虞公東平王公以學問  
相淬礪更唱迭和金石相宣而文日



益竒矣未幾擢拜御史劾權貴人擅  
弄威福遂罷相位久之其人再竊政  
柄左遷公尹縣開平實欲深中傷之  
公退耕浮光之野泊然不以介意權  
貴人死復入翰林為待制遷直學士  
訓誥誓命溫厚典則有西漢風在禮  
部為尚書兩司貢舉選士專求碩學

崇雅黜浮至順天子親見郊廟裸獻  
禮文多公裁定及為臺臣端重正大  
百辟鎮肅議論廊廟有關於治體一  
時薦拔皆重厚清慎之士公少嗜學  
非三代兩漢之書不讀文則富麗而  
有法新奇而不鑿詩則接武隋唐上  
追漢魏後生爭慕效之文章為之一



變公之先出雍古部族世居天山殆  
入中國數世宦學不絕至公位益充  
顯嗚呼我國空龍奮朔土四方豪傑  
咸起而為之用百戰始一函夏干戈  
既輯治化斯興而勛臣世族之裔皆  
知學乎詩書六藝之文以求盡夫脩  
身事親致君澤民之術是以列聖立

極屢降德音興崇庠序敦延師儒非  
徒為美觀也至于仁皇始欲丕變其  
俗以文化成天下猗歟盛哉觀公治  
行卓偉若此則祖宗取材作人之效  
豈第文辭之工而已雖然非此無以  
表公之蘊公既沒其從弟察院掾易  
朔出公詩文若干篇合天爵所藏共



若干卷請于中臺刊諸維陽郡學嗚呼覽者尚能考公之行也夫及識愚之悲也夫至元五年己卯冬十一月朔嘉議大夫江北淮東道肅政廉訪使趙郡蘇天爵謹序

皇帝聖旨裏江北淮東道肅政廉訪司照得准本道廉使蘇嘉識牒洪惟聖代治安百年當有衣儀群士其謀論足以裨益國家其詞章足以黼黻皇猷人雖云亡文不可泯伏覩故資德大夫御史中丞知經筵事馬祖常系出西州之舊族生為中朝之偉人迨夫延祐隆儒之初首登貢舉甲科之選擢拜御史彈射柄臣左官開平幾枉遭其毒害屏居淮甸幸得際於休明遂代言于北門搗詞獨推其典雅及進官于南省取士皆稱其至公一佐薇垣贊畫機務四入栢府振肅憲經後髦由是而薦揚風化以之而淳厚遵大體而畧苛細務實



學以抑浮華日邇清光屢橫經于廣內時承異數親賦詩于御前斯維儒者之遭逢宜傳其文于永遠擬合照依左丞王結例鈔錄遺文于淮東路學刊板傳布豈惟見科舉得賢之多寔彰國家右文之盛牒請照驗施行准此照得先奉御史臺劄付據監察御史呈切見故中書左丞文忠公王結博聞強記淹貫經史蓋由沉潛道義之既篤敷歷臺閣之有年故其著述綽有淵源可以追配前哲模範後人本官位終宰執嘗任憲使如蒙比依學士元明善例將所著文集移文江淮拘該學校錢糧內刊行傳布于世不惟不負其才抑且有補風教

具呈照詳得此憲臺合下仰照驗依上施行承此者詳御史中丞馬資德所作文章遠擷班馬之英華近接姚元之步武如准廉使蘇嘉議所言刊板印行誠可範模其後生又能裨益于世教申覆御史臺照詳去後至元五年九月二十九日承奉憲臺劄付仰依止施行承此中丞馬資德其家見居光州憲司合行故牒可照驗差人鈔錄本官文集委自揔管不花中議不妨本職提調刊印仍選委名儒子細較讎無差發下本路儒學依上刊板傳布施行先具依准牒呈須至牒者

牒件今牒

揚州路總管府

照驗故牒




至元五年九月

日書吏 李秃林台 信

嘉議大夫僉江北淮東道肅政廉訪司事韓  
 奉議大夫僉江北淮東道肅政廉訪司事王  
 奉訓大夫僉江北淮東道肅政廉訪司事何伯顏察兒  
 中憲大夫僉江北淮東道肅政廉訪司事三卜篤  
 大中大夫江北淮東道肅政廉訪副使李  
 嘉議大夫江北淮東道肅政廉訪使蘇 押  
 正議大夫江北淮東道肅政廉訪使阿合馬 押

文集目錄



都門一百韻

壯遊八十韻

贈客

挽林彥栗秀才

舟中望鄒嶧山

西方樂二首

讀陶潛詩

送袁伯長三首

貢待制文修撰王都司

同賦牡丹分得色字

齋宿太社署五首

古意

苦寒五首

報春堂



古詩三首

淵明始末圖

錄囚大興府公廳書事

擬古

春寒

春雲

送衛天隱卜者

送幼度御史南遊

田間

賦海月送彭君教授九江

王維輞川別業詩圖

新歲丁卯二首

飲酒六首

留別沂州張君仲

觀耕者有言

禮部合化堂前後栽小松三首

蔓草不除

六月七日至昌平賦養馬戶

寄六弟元德宰東鹿 葆真觀納涼一首

端午效六朝體

移梅

田居二詩寄元叅議

初日八首

飲田家留題

史館閑題二首

祖生求母

題米孝廉詩卷

擬古二首

奉和王儀伯叅議龍門

問燕

擬古



送別李彥方憲副之官  
登都北神山醉中題壁

種柳

王繼學同張子士壽寧官祠宿奉寄一首

送郭用可教授雲南郡

穎郡

昌平道中次繼學韻

度居庸關次繼學韻

卷二

七言古詩

題惠崇畫

所過

題商德符山水圖

淮安路池山

湖北驛中偶成

李後主圖

寄鄉友

送周南翁之官池陽

畫樹

何仲博家棣華堂

宿興化縣界

再贖前韻

題明皇端箭圖

趙承旨枯木竹石圖

閑題

上京書懷

室婦嘆

息齋風竹圖

上京效長吉

李夫人

祝丹陽祠武當

蔡州妓



題織錦回文圖

秋意

題簡天碧畫山水  
寄家書

五言律詩

春行南郊

固始縣南岳行祠

應制壽王少傅

過文著作家

贈王侍制

翰林書佐社元美戲綵堂

送文著作往鄂州諭南使

送王眉叟真人  
送人之陝省幕和韻

美袁王二內翰賦畫松

都城粟氏玩芳亭  
春寒

送蘇子寧赴嶺北省幕

送劉侍儀祠祭北鎮醫無閭

謁告書懷  
贈彈琴道士

次韻贈繼學時祠禱尺寶宮

送董仁甫之西臺幕  
送周南翁侍制

華清宮故基  
靈州

宿遷縣  
呂梁

泗州塔  
舟中

徐州吊蘇眉山  
挽饒國吳公



送郭巨卿之南臺

送王伯弘平章

送侯廣彥秀才

秦元卿家慶圖

辛良史披沙集詩

海子橋二首

秋答平章生日

送李元章之陝縣

送符鎮撫之官

題仇公度所藏先世家訓手澤

泉南孫氏園亭

贈里人別因寄祖義祖烈

再送浙入閩二首

送光州陳仲禮知州任滿北上

次元禮弟韻

送人自淮南賣田還江陵

謝紙

遊華嚴寺

次韻繼學三首

陪可用中議祠星天寶宮

崇真宮西梨花

明日在羅中宮園池自次韻

送可升法師祠武當山

送楊仲禮江淞提舉儒學

武當山道士贈行

瞻得之慶母壽十韻



盧師山下遇郝景文叅政墓

送史正翁經歷之嘉興

姚左司墨竹

許右丞蘸道士祈感應

送許誠夫太監祠海上諸神

次韻阿崇叅政

元禮弟寄和韻

適意

費御書雪林二字

張元傑祠龍虎武當

求趙伯頤畫家山之圖

猗綠園

贈廬州黃孝子

雲巢道士

出都

項子虛畫師歸舊隱

題惠崇畫樹林

虞伯生學士畫像

登雨花臺

南野

紫芝不用事

贈楊洞天道人

五言九首

題張良卿御史廼翁萬戶死邊詩卷

春思調王修叔表侍御二首

再用韻奉繼學二首

次韻詠石

北行

送同年趙繼清尹安陸

寄舒真人

送華山隱之宗陽宮



石田山居八首  
古城熊翁壽考

郎中蘇公哀挽

卷三

七言律詩

用樂天韻目效其題詠閑意

寄王繼學待制

壽郝大叅

和張彥清司農喜雪

寄隱士

送趙敬甫侍御赴江西鎮

寄吳真人二首

寄王繼學

奉和奧屯都事秋懷

九日在告

送徐侍御之南臺

送王眉叟真人還錢塘

題若容

雙頭菊

壽故相秋谷

壽閑、真人和吳養浩博士韻

壽中丞公

送道士趙虛一祠海岳

送忽都答兒著作祠岳瀆

和張蓬山司農韻

和繼學郎中送友歸趙

贈劉時中

挽何得之先生

應制壽趙國公

過錢塘

錢塘潮

追和許渾遊溪夜回韻



書事

蓋善長御史泗濱堂

奉和新除表侍講見寄

賦王叔能宅芍藥

用繼學郎中韻再賦

上京翰林書懷三首

自和星字韻

九十三歲老人康寧居宣德府

送胡長史之浙憲

送史顯夫之南臺

次韻王參議寄上京諸公四首

次韻宋顯夫

次韻王編備送彭道士南歸

送杜時可四川提舉儒學

贈陳玉林道士

貢院憶繼學治書

治書寵和誤用光字仍再次韻二首

治書再和復次韻

貢仲章侍制寵和次韻

高彦敬黃州雲山圖

濟南張老人

畫古木

繆郎中雪谷早行圖

東平慈母

鄢陵別南客

坐曹

監居李氏

寄弘長老雲山

贈醫士簡秋碧

送西臺治書張孝錫

送史秉文祠岳瀆還家

龍虎臺應制

徽政院公退



贈壺州道士

送安慶路教王中夫

送蘇州卜者

送胡古愚歸東陽首

奉陪薦食英宗神御殿用繼學韻

題道士山水畫

送客歸揚州

挽黃平山

送王叅政上京奏選

贈內

陵州留別續摠管

王道士壽慶堂

畫海棠圖

送貢秀才還江東

送胡震亨巡檢

送毛真人還山

奏對興聖殿後

贈都省掾金世用

雜詠三首

挽劉自謙

送貢仲章學士

題李仲賓墨竹

西山玄直觀借居

和閑、宗師牽字韻

試院雜題十首

貢院再用鷄字韻

石城縣尉

陋巷張居士

送揚州方教授

送四弟元學南歸

寄王繼學廉使

寄簡西碧縣尹

送薩天錫南歸

題京師山堂

送湖廣御史丑德

喜小孫誦書

光山縣尹孔凝道作縣有聲御人為圖



無題四首

大明殿進講二首

還過龍門

次前韻四首

次韻送上官白圭二首

龍門

寄姚叅政上都

次韻繼學棄乾嶺

偶成二首

次韻李行齋集賢首二

駕發上京

吊王儀伯左丞

和王澹齋韻就為壽

送宋顯夫南歸

次立德真人韻

送虞伯生博士

菊枕

琉璃簾

野興

卷四

五言絕句

雪中登郡城西亭十首  
聞笛

題岩屏隱士

吊節婦

題四皓圖二首

蜀葵

望岳亭

僧院蜀葵

閑題樹葉上

題趙子昂墨竹

李夫人畫竹

馬戶

桐江

朝歌

墨竹扇頭

山水圖



謝杏

李陵臺二首

畫鷹

送客西歸

黃河

貞節馬氏

龍眠十六賢圖

四愛圖蘭蓮菊梅

題王氏樓二首

七言絕句

乞扇

歐陽原功銘馮少府墓

題猿圖

偶成

舟泊徐州

節婦張氏

送邵汝聖官臨淮四首

獨石

節婦馬氏

楊妃墓

帥臣子劉宗道藏其父之詩請跋

鎖院獨坐書事口號七首

南城二首  
與狃子山郎中

劉伯宣哀挽詩  
送文章甫入蜀省幕

慶陽  
驪山三首

洛中二首  
河湟書事二首

七夕舟中苦熱  
戲馬臺

春日即事  
題携壺圖

歌風臺  
集袁王二學士詩



送奧屯遂素副河南憲

送胡古愚還越四首

過故相宅二首

題賈氏卷

題水仙花圖

龍眠畫馬

孝子徐生卷

閩浙之交五首

桐廬縣

跋扇頭郝隆曬書圖

出都二首

雲坳亭

趙氏宗室畫水石

和王左司韻三首

贈王左司二首

上都翰苑兩辭圖

調繼學左司

題左司帖即中扇頭

獨立

題華嚴僧筠軒

誚燕二首

送焦德元二首

送廬山周道士

送侯嵩亮

贈道士謝草池

五月芍藥

潘居士施飯

弘州孫同知禱兩

駿馬圖

李伯時陽關圖

買閣侍郎父監宣城禱兩應

驪山圖

赤壁圖

貢院次曾尚書韻四首

第一場觀進士入院

殿試和李參政韻



題道友舒貴和扇

宋高宗書光武度田圖

流鷺

暑雨

沛縣水村

淮上初見吳牛二首

兩霽

官曹供冰

蜀道士歸儒

題柯敬仲乃父手澤

恭題三旦八藏御書

畫牛二首

丁卯上京四絕

贈故人

叅議府坐贈左右郎官

寄王師魯

春風御馬圖二首

樞府書事

葵球圖二首

贈溫迪罕平章致仕二首

昭君

御湍春日偶成四首

題墨竹

題徽政院畫屏

寒林積雪圖

送天錫秀才

道士階下生竹

道士山房

鶴索詩

趙中丞折枝圖

代悼亡

調虞伯生

次王叅政延福宮韻八首

宿相府閑題二首

題吳娃圖二首

秋鴈送客

雜賦四首



到家

鴛鴦

宋徽宗畫蟹

道士彈琴圖

送王秀才南歸

贈靈應奉

吳宗師送牡丹二首

寄王繼學

題墨梅

題舒真人鶴峯

楊村

絕句三首

雜詠

畫竹

姪子中墨竹

舟中送千同知朱縣丞南歸二首

絕句十六首

戲答王繼學

閑題二首

薛玄卿華山隱二高士過訪不及見

再答薛玄卿并謝墨二首

李老峪

鵬窩

孟陽逸士

憶江南

載酒堂

寄示男武子

訪栢堂宗師不遇

寄栢堂

寄吳宗師謝古篆

題柳道傳詩卷

次韻王繼學二首

題扇面

明月亭

挽道士危功遠二首



送年景陽三首  
桃花馬

和李老方七首

卷五

樂府歌行

元日應制萬年歡

南方賈客辭

踏水車行

縑絲行

拾麥女歌

古樂府

河西歌效長吉體

垂綸亭歌為宋誠夫作

老将行送劉宗道摠管

淮南田謔十首

淮南漁歌十首

兩頭纖五首

四色詠

和王左司柳枝詞十首

和王左司竹枝詞十首

鰲峯歌

北歌行

擬白頭吟

西施怨三首

車簇行

次韻端午行

翰林宮詞十首

前宛轉曲

商學士畫山水歌

磨劍詞

漢銅馬式歌送蕭性淵

反銅馬式歌送熊太古

楊花苑轉曲

擬剡亭棹歌六首



公子行  
贈陳衆仲纈雲辭

雜言

秋江釣月

霞川

題太白晴碧圖

李仲淵御史萬竹亭

送艾伯蒼歸江西

巢溪

喜知經筵蔡國張公至

書石辭

兔窺蝶圖

六言五首

楊孝廉義烏

商學士萬里圖

聯句

秋雪聯句同袁伯長賦

鸚鵡聯句同正繼學賦

松鶴堂避暑聯句

天慶寺納涼聯句

聯句

槍竿嶺馬上聯句

騷

國陽

叢淮浦

天碧辭

閩中山水

九成宮圖

幸清宮圖

我思操



賦

傷已賦

悠然閣賦

感栢樹賦

遠亡賦

草亭賦

卷六

制詔

遣奉使巡行詔

追封河南王夫人制

思州軍民宣撫使田晃忽兒不花封贈二代制

太師右丞相封贈三代制

太保左丞相封贈三代制

平章也速迭兒封贈三代制

太傅禿魯封謚制  
右丞按灘封謚制

尚書左丞相某封謚制

表牋

賀元旦表

正旦賀興聖宮表

賀正旦表

賀建儲表

賀春官表

賀建儲表

監脩國史賀正表

監脩國史賀正表

賀建儲表

賀建儲牋

賀立后建儲表



青詞祝文

壽寧宮設醮青祠

祭星祝文六

卷七

章既

請慎簡宮寮疏

建白一十五事

請量移流罪

辨王左丞等

彈大都路摠管范完澤

彈中書參議李羅等官

論執弓矢禁例

論秦州成紀縣等處山移事

論百官請賞

論加恩典

舉翰林待制袁桷等

彈右丞相帖木迭兒

進千秋記畧劄子二

卷八

銘

致樂堂銘

致愨亭銘

書櫝銘

書几銘

居室銘

心善堂銘

遵誨堂銘

王左丞德符堂銘



鞞然亭銘  
續古齋銘

李氏種德堂銘  
允懷齋銘

箴

舟箴

贊

恭贊御書奎章閣記

吳宗師畫象贊

贊雙兔

贊吳牛

雜文

丁君誄

仁本堂解

記河外事

夏軋禱雨文

策問

會試策問

擬殿試進士策問

題跋

書翟太素彈琴詩序後

跋夫子擊磬圖

恭題御書雪月二字

記御史臺題名後

題松廳事稿畧後

題簡母墓銘

跋姚照磨攷墓銘後

跋誠求堂詩

記

固始縣重建縣治記

小石山記



留侯廟記

小圃記

聖清廟記

禮部合化堂題名記

州判張君去思記

上都翰林分院記

願學齋記

察院題名記

殿中司題名記

卷九

序

送劉文可之官汝州序

送牛國寶北歸序

國語類記序

送崔少中序

送人南歸序

游經歷字序

李氏壽桂堂詩序

送李公敏之官序

王夫人貞節序

送高富卿學正歸滑州序

風憲宏經序

送聶道元序

周剛善文集序

卧雪齋文集序

梁氏壽慶堂詩序

楊玄翁文稿序

送稚琥叅書之官靜江詩序

送簡管勾序

卷十

送吳養元管勾還家省親序



碑誌

大興府學孔子廟碑 安豐路孔子廟碑

光州達魯花赤烏馬兒去思碣

光州孔子新廟碑

光州固始縣南岳廟碑

勅賜福州南臺石橋碑銘

卷十一

碑誌

勅賜贈翰林學士杜文獻公神道碑

故翰林學士元文敏公神道碑

勅賜集賢直學士貢文靖公神道碑

大元贈中奉大夫行中書省叅知政事張公

神道碑

卷十二

碑誌

致仕禮部尚書邢公神道碑

僉燕南河北道肅政廉訪司事趙公神道碑

勅賜贈叅知政事胡魏公神道碑

安定郡夫人王氏墓誌銘

故榮祿大夫大司農卿郝公墓誌銘



卷十三

碑誌

濟南安氏先塋碑

朝請大夫大名路治中致仕馮君先塋碑銘

故朝請大夫禮部郎中王君神道碑

征行百戶劉君墓碣銘

監黃池稅務王君墓碣銘

故顯妣梁郡夫人墓誌銘

故禮部尚書馬公神道碑銘

勅賜御史中丞趙公先德碑銘

卷十四

碑誌

勅賜大司徒蘇國忠簡公神道碑

霸州長忽速刺沙君遺愛碑

顯妣梁郡夫人楊氏墓誌銘

勅賜太師秦王佐命元勛之碑

勅賜太師太平王定策元勛之碑

故貞節贈容國夫人薩法禮氏碑銘

卷十五

行狀



贈亞中大夫順德路抱管董君行狀

傳

息旺傳

王氏傳

節婦高氏傳

附錄

桐鄉阡碑

神道碑

石田山房記

石田目錄終

馬石田文集卷第一

五言古詩

都門一百韻用韓文公會合聯句詩韻



詩中有三字非元韻蓋祖常荒學不能用古韻故也延祐五年八月作

返躬操耒耜奉身寡惟慎田居水春磴城宿霜鳴柝  
疑塵尚沉冥幽賞任飄泊行歌鮮同歡起舞真獨作  
嘯詠氣頗雄攀躋力或弱樛木植幢蔭醜石掀獸惡  
心恥婦女仁志薄游俠諾校書楊雄官入粟卜式爵  
娛情愜禽弄失意被蜂蠹佩履侍殿陛觚牘宴館閣  
傭童飼棧駒賤婢占屋鵲上書願封禪監祠議嘗禘



紅纓綴花房碧刺胃蕞薄春旗天仗浮秋駕星河涸  
補衮子何能懷祿我所作英名襲蓮炬貴籍謝魚鑰  
造謁每赧然循默譬沃若壁蝸涎篆歌穴蟻戰壘却  
組繡紅縷連罨畫翠色著卿雲幕邑屋瑞雪塗郭郭  
羣儒脩麟經諸將宣豹畧請劍斬棲蘭傳檄喻叩符  
賈區紫貝粲酒爐銀甕鏗潑刺繪翻砧郭索蟬就縛  
水戲鬪魚龍山菟獻熊攬竒服燕姬姘獠語滇童愕  
東郊買鬪鷄西市賣馴鶴宛々綠項鳳濯々紅頭雀  
豪僧佛宗開大巫鬼物託迎祥有時和驅厲無旱虐  
漕粟大庾盈賦桔崇層錯圈虎割肉喂鞞鷹搏禽嚼

荔丹貢甌閩橘顆苞沔鄂能賦皆郅枚飛翰盡靈駱  
未央曲罟愚長楊市羽繳閑棋遇咲仙雜劇坐忘瘡  
飲飛頭虎毛刑官面瓜削朝儀徵魯生廟獻賓商恪  
天池漾文波海島通潛壑婦功春蚕溢穡事秋田獲  
噐美鏤桐梓冶良鑄錢縛街樾布虛陰觀闕翔寥廓  
治廷播訓敕清邊禁標掠窮髮炙馳蹄勾麗醢熊脚  
詰奸鉏大猾恤隱戮深瘼靈圃白獸游禁藥黃鵠落  
時方追治古事乃繼疇昨巢槽尚羊裘華門仍葦箔  
周封表鎮望禹畫首河洛聲名惜馬纓音律辨牛鐸  
郎署紆銀艾王邸施丹艷轍後千車馳塵至萬馬躍



碣石入渤澥太行分嶺寧士女工盤絲王孫帶河索  
清明日月懸統正宇宙拓分行下觀風立聽上宣噩  
服官綺纒屬冀衡鄴旁魄牖贖澤國乳漣給沙漠  
木禾神所食石蜜刀乃斫天樞夾杓垣日畿絡雄莫  
鼎豈以金鑄山豈以銅鑿戴憑席重周舍言譎  
錫宴屬在鎬咸秩巫祠霍造邦象邵室立法簡漢約  
吾生類鳧鷖賤跡雜兔貉囊書爛星芒匣劍瑩霜鏘  
兩耕耨頻耨月斲石或搏尋真養三芝求方問五藥  
傳奇存山經輿地指井絡悠悠秋剪菘晏春食藿  
親歡戲假面客至樂吹簫恃才頗優游使酒漸諧詭

山深木敷榮野迥鶴寂寞擔簦踏槐黃疊袂聯梯萼  
移官居旂常職領專錡鑄遮塵帽頂席隨俗屋蓋弱  
俸錢具道醢飲餒嘗膏腰孤危衆易傾獨立古難卓  
徒既防毒蛇空拳困狂狴出弊季子裘入舍居士屬  
海運知化鷗泥蟠見屈蠖門高譽荀龍才逸薦禰鸚  
逍遙投壺歌慷慨擲骰噉有興即騎行無疑豈龜灼  
姐豆觀揖讓賓介講霽酢風櫺李涵冰日幌櫻衰酪  
鄰饑馬通爨市醉羊屠醲耘德鈔礪刃稱藝弩引疆  
任情受世疵肆志探古博奏賦始中程諫獵終失度  
不念婆恤緯已謂童舞勺寢興避彈射周折準規彘



襍被丘中琴揚舲池上酌桐孫迸空枝竹穉穿石籜  
南翁日種漆北地日產柞蓄厚用不殫材衆工豈格  
甘泉祠猶清西河居乃索菁莪採衢謠湛露興徒号  
帝仁載大輿臣詩埒微爝史官詳纂記儲以輶甕粕  
壯遊八十韻

十五讀古文二十舞劒器馳獵溱洧間已有丈夫氣  
裹糧上嵩高靈竒教天秘燁王秀芝為我擢粲翠  
空青丹銀品伏龜鏤文貝駢羅星辰精附麗日月會  
紫鳳友朱鷺翩翾翔戲飛閣舒鳥翼懸泉瀉珠琲  
磨崖見古刻應是列仙記捫蘿欲登觀苔滑阻陵厲

烟霞蒼蔚隕霧雨蕭颯至余時戴籜冠綠壁照縞袂  
檀藥有磐石真人每同憇北臨黃河水濁流觸天沸  
蛟龍逐龜鼉鱗介滿水裔衝波崩金堤萬夫瘞穡事  
官家憂其勞玉馬歲沉祭江淮盡鸕船夜上訶嘒  
魚鹽不直錢寡婦豈拾穗釀酒相呼飲顛倒再拜跪  
中心忘嗔訶縱談詆漢魏三十能歌詩鄙薄雕蟲技  
不肯學仕宦慷慨負高義持錢送酒家觴至即一醉  
羨芼嶰谷筍飯煮山陽糝峨冠擬魯儒短衣真楚製  
遠行探禹穴六月剖丹荔巫峽與洞庭彷彿蒼梧帝  
三吳震澤區幼婦蛾眉細唱歌攬人心不可久留滯



泗淮達汶泗摩浮泰山礪聖鄉有亡書求道亦容易  
童子操觚續價重麒麟蜀京國天下雄豪英盡一世  
舞羽肅文教索甲飾武備馬跡見騰塵車轍聞曼轄  
鞏騫天觀起鱗雜井星綴千畝開靈潢馴象浴其汭  
我皇拓文場群髦咸戰藝泪予黔婁生言辭罕締繪  
但幸晁董死收拾在等第臚傳下閭闔息澤承滂沛  
春雲覆林塘雜花懸火齊詞垣正舒華吹竽獨無喙  
執筆御史府羞縮如牡蠣彈評則春秋齟齬失剖劂  
問俗西夏國駟過流沙地馬嚼首蒼根人衣駱馳毳  
鷄鳴麥酒熟木拌薦乳薺浮圖天竺學焚尸取舍利

安定昆戎居貪鄙何足貴返途靡邠岐原田表古啜  
宛々陶穴民艱難謀樹藝驪山葬秦魄茂陵迷漢窀  
黍離悲故宮脩竹編清渭日入狐狸驕天陰蟬螻翳  
溫泉山津陽古瓦識唐字關河隔山東華岳秋更霽  
首陽餓夫薇霜露已憔悴鑄牛挽浮梁恍惚水所噬  
晉俗棗齒黃冀馬電蛇駛井陘阨坤維太行逼象緯  
煌々日圍近赫々天人瑞田舍植汶篁郵亭擷吳桂  
優游逢化國俯仰詠樂歲豈用百二險自乃十一稅  
北都上時巡扈蹕浮雲騎宴鎬帳殿移拜洛周廬衛  
崑空山櫻繁川曲紅藥膩列障敕勒塞萬里靜火燧



九節菖蒲良貢篚充藥餌疇昔閉戶居耽讀未見試  
三年不窺園自謂五經笥四十得俸祿僅可給美饍  
誰能薄淮陽不作鴻臚寺簡書畏懷歸孤矢示初志  
振鷺方擢質冥鴻忽垂翅感嘆對囊螢興言友荷蕢  
諒非廊廟具頗異市井輩當曳鄒陽裾願擁文侯篲

贈客

疊巘擢蒼蔚繁英粲紛葩銀繭霞已積翠幢栢方遮  
劇飲肆豪縱清談宴賓嘉叫嘯虎當嵒趨鶩鶴行沙  
聯娥聘趙女貫珠唱吳娃露庭汎蘭蕙風閨透窓紗  
魚泳文波圓禽翔商雲斜逸樂諧金石清真况烟霞

洗藥秋汲澗種秫春燒畬寓言託莊列潛心著義媧  
所貴丘園賁終然心匪遐

挽林彦栗秀才

女蘿附高松榮華凌衆草猗蘭困蕭艾顏色亦自好  
歎彼谷中人絲絢被織縞生世固不諧埋銘宜有攷

舟中望鄒嶧山

魯雲偃車盖汶水流魚鱗操舟返任濟川梁號通津  
東望鄒嶧山六丁鑿嶙峋靈嵒溜泉乳仙遊道霞駟  
石髓若可食吾將託茲身

西方樂二首



魯郊秋已深西灤多蒲魚日暮積霽重維舟月正初  
露涼水禽宿雨晴艷芙蓉擷花結楚佩宛若湘南居

又

東平西郭外船尾到籬根共歎原田沒兼愁邑屋翻  
秋寒雲去兩天晚日初暄野市飢無米流離惜子孫

讀陶潛詩

伯夷恥粟餓屈原避諗死獨有柴桑翁一不失張弛  
所以百世下風流激頽靡遐觀八極表浮榮何足數

送袁伯長歸湖東三首

龍角不如犀常不生馬鹿麟趾不如牛終當在君囿

我行泰山阿日觀望朝候見子被雲服家居夾靈鷲  
揖之不得近跋慕塵光後

玄圖詳鳥官丹經譜黃銀羲媧鑿崆峒羅列大法陳  
蔚矣夫子胸如天懸星辰英聲發為辭商盤殷周函  
王官豈不衆靈席需儒臣安車行有名無弄越水春  
鷄鳴戒僕御具食起就塗僅取資給周豈謂車騎都  
行過青齊野忍見人迹逋翁姑纍帶索跟胫無完甯  
即欲與盤飧但可飽一夫遲去國旌能得不疾驅

貢待制文脩撰王都司同賦牡丹分得色字  
名都擅穠華竒葩紛翕艷頰暈紅粉艷囊垂桂蠹蝕



初疑沆瀣冰漸展蒲萄織仙綬曳雙環么鳳盤六翼  
粲々春奩瑩晶風燈直可憐照容袖縹緲見顏色

齋宿太社署五首

朱門屹南起金水經北流繚垣外旁達周屋內廣脩  
圭玉承縹藉碧鏤飾衣箬中壇土五巴夏松露浮々  
改容事明神豈謂茲淹留

明世容謏薄依光袂散署束帶揖上官攝衣奉神御  
泉冽噐每滌芻香牲亦如循壇習登降趨位就表署  
翼々清祀脩濟々百辟助頌神錫茂祀農功相蕃庶  
賤臣指俸稍牽犢耕鷄曙

元宰職天工太史繹帝載庶官服攸司同寅承聖代  
赫奕旂常華議禮出藻繪齊宮熏沐居衣裳步鳴珮鞭  
榜吏牘急投足有彈劾乃知容臺貴終日俎豆內

齋宮蔚清華前榮畫方壺古礎石夫容日景射銅鋪  
嘉木蔭長夏階草宜露濡兵衛限囂雜簷絕懸蜘蛛署  
書替染盛設吏視茅苴端居見博士希武循庭除  
樂工奏宮懸登歌布護功祠官侍奠瘞靈軒下玄穹  
祝辭求善歲侑我棗與種棗種及人饑報祀百禮隆  
瑣々大社令樂職朝上公

古意



秋羅畫雙蝶涼練透紅銷攀紆翠裊積騰拏鳳盤迴公  
子高宴集水閣芙蓉搖來禽丹砂紅石密春冰消歡情  
光景洽壯意風雲飄所期國士知豈謂雲人招

苦寒五首

肅，歲已晏冽，冰霰集寒雲光不流槁木鳴日夕挾  
續處南戶嚴稜坐相齟端然成離居念念樺陽復  
褰裳居重戶驚飈蹈書帷穴地簞石大持酒得冰澌杲  
杲日出光萬物待被施豈無陽和節歲序非爾私  
納履非遄征墮戶豈寡交今茲祈寒候火井凝冰沍離  
人歎無衣原獸謠弓弮憂端坐耿，鷄鳴動喙，

南戶日頗暄居獨意忘適觀物契妙道含情想真識靜  
翬理雖殊造定趣乃一古人不可求茲焉寄游息  
日精滌重光午景延冬暄真見煦物功始覺陽道尊玄  
冥歛時肅衣被元氣溫鼻端有消息守此觀化原

報春堂

青陽布仁德萬品含景滋人道貴有報天施終匪私遲  
遲春暉和寸草為生資聊觀孟氏詠載攷生民詩

古詩三首

縵縵憂腸興觴至不能酌高飈揚塵沙條，湍戶竅冠  
履對孔經蠅心集堂突淹留藉君子相與一晤嘯



弱馬不可御復爾路阻脩石子頭犖确馬足無所投馬  
足無所投真躋臨道周何能垂黃鵠四海一日遊  
凌晨視園蔬綠色承露英命婦自採摘終朝掬不盈持  
以充庖厨豈瘵飢腸鳴婆娑秋菘葉不受魚肉腥朝暾  
煦寒畦中心含素馨

說明始末圖

畫史謝文字託意有粉繪高人蹈古道終造玄澹會涉  
世情豈真採菊心若寄持酒每自慰翁也得竒計載觀  
始末圖悠々似相契

錄囚太興府公廳書事

寒泉汲露井冰盃薦丹果晝永榴火繁風微筠粉墮雖  
欣景清麗復厭事叢瑣塔庭列群吏敲朴狴犴折獄  
乏才辯傷民困袒裸初余居田畝鉞罽每親荷幽賞偕  
夙昔文字當宴坐諷詠弄毫素射獵削箭筈江介觀海  
濤河外陟蒿隄訪隱同壺觴問道辨介羸今也行作吏  
冠帶苦包裹翹首望南雲歸心逐東舸

擬古

崇臺拂繁雲阿閣蔭廣路上有彈琴女文采被烟霧玉  
食薦翠盃渴飲瑤草露鄙薄貧士妻終歲弄機杼

春寒二首



叶風應青陽義御南其軒生榮兆植物民氣趨和景三  
農興歲功鉅鑄日以備云胡司寒神正月行歛收獵  
驚颺來壯士晝索求冰梁阻沃漑龜拆橫大疇穡事忽  
愆時誰與飢餓謀得見次律衍吾將迎道周  
歲律啓璇室天家授人時嘉生達勾萌厚德宣靈祇  
功既旁被吾人亦咸宜曩在閉閔日商旅車不脂瑟縮  
謹蓋藏宛如蚌龜茲遇孟陬月遲日載景熹春酒續  
古意游子求履緼豈悅草木華所貴陽道施陽道一以  
施衆美俱無疵

春雲

高雲起城闕流離度庭樹依風拂迴塘波瀾光影注荒  
林帶疎烟照日亂縈縷婉孌連浮陽空明映淒霧嵐翠  
含玉暉景采湍崑嶼嶼宜作逍遙幽賞諧緬邈世娛阻

送衛大隱卜者

飲馬蘆溝河水寒傷馬骨牧羊居庸關草短餓羊腹君  
行苦匆，我且無握粟陟岡望高雲東南有黃鵠

送幼度御史南游

辭官亦有道諧世亦有窮君子尚高義賤物不賤躬含  
情迢夷曠潛心入玄中弓旌或南出求于江水東

田間



中田蔣柔柔周垣列苑柳居然成農耕林廬頗完好朋  
從時往過休頭出尊酒意氣每酣造仰視北有斗豈知  
念相纍那復嘆嗟一作叟丈夫貴立志文字託永久

賦海月送彭君教授九江

江月照人近海月涵太清大地積微塵何能翳其明  
光儷陽耀陰魄獨含精况尔朝夕馳呼吸成虛盈持茲  
燭玄造萬類無遁情彭君忽起揖予以知言名

王維輶川別業詩圖

野水已不流野田已無滕日夕華子岡狐狸上丘陵高  
人茲為土畫墨飛塵凝空餘古韻語彷彿金石興

新歲丁卯二首

宣髮日已皓行年屬知非持身仕明時出入謹細微瑣  
屑文墨賤藻飾供脂韋秩了叙天經哺此萬齒飢枉已  
未敢進斯願豈終違

獻歲時序改真宰布陽和默々玄運交生物有駢羅天  
塗日宣光泮水渙文波豈樂具春服農祥願無訛

飲酒六首

進士當盛明自謂非時才狂斐學文字無聖為我裁二  
者供寡合終令智士哈斯旦已陽春對我聊持杯祖母  
在堂上小孫方稚孩俯仰見五世居生豈悠哉



簡編有重訛折衷無權衡黎庶有重困救藥無持平昔  
者賢聖出屯蹇躓其身躓身不躓道龍蛇果能伸棄置  
姑飲酒陶然會天真萬物各遂性雜沓向我陳  
祖母九十七堂上受封恩小孫初一月哇，孤矢門吾  
生豈不遂知足心不煩在昔田里中學書不窺園隣舍  
或招飲怒不與之言矜持稱廉隅過往太守軒今茲遇  
明聖經幄寄討論啓沃資皇明古道回以存時日得賜  
酒獨酌還厭喧

考妣早棄我得祿不逮親幸茲有祖母九十康強身我  
情終不樂日思我親仁襁抱免水火少長俾知倫出入

邙魯俗用變宿習曰植松在淮山稼田為齊民興念輒  
涕泣有酒亦逡巡

昔我七世上養馬洮河西六世徙天山日，聞鼓鼙金  
室狩河表我祖先群黎詩書百年澤濡翼豈梁鷄嘗觀  
漢建國再世有日碑後來興唐臣胤裔多羗氏春秋聖  
人法諸侯亂冠笄夷禮即夷之毫髮各有稽吾生賴陶  
化孔階力攀躋敷文佐時運爛，應辟奎

嗟我寡諧合蒼髮禿不齊觴至即飲嚼猶恐逢訶詆衆  
人以儒進我不限吏資入官養交譽惟恐不合時含咲  
作襍咏遭罵亦詭隨出入踐華要諫諉成其私積階漸



崇貴剽獵章句辭鼓頰說古今證據稱云為斯世豈可  
誣小夫甘自欺興言發喟歎飲者終不知

留別沂州張君仲

揚舫下彭城分颿上沂水與子作別離眷言重徙倚曩  
在京華居連室同并里出則馬轡聯入則衣袂比今也  
各散去相頽意未已我操田器歸子執州符仕慎刀輕  
此身期以善自止

觀耕者有言

庶矣新田殖疲民得無飢先輸公家賦又足食其私老  
父揖我語歲功實由茲勸農古有官助給牛種施今官

亦勸農行田吏奔馳爾去告爾長我自安無為

禮部合化堂前後栽小松三首

買松栽兩階綠髮已可梳恐是女元君截鬢生地腹遲  
爾千尺長下產黃琥珀服以安心神飛身作仙客  
樹色綠透戶書景如歲長微風吹几帷硯池麝墨香分  
曹寡職業糜廩充鼠腸多因文史間陶然肆其狂  
有屋山之陞有田水之澆如何又苟祿屈伸隨世人納  
履斯遙征騁心斯失真興言每自悔願為耕鑿民

蔓草不除

大夏萬物長蔓草多華滋勾芒發苔穎苞實各及時賴



爾有野意使我情悅怡誰云田中殖嘉谷亦如茲

六月七日至昌平賦養馬戶

馬足與石闢石齒嚙馬足，跛背生瘡突兀瘦見骨官  
家日有事陸續使者出使者貴臣子騎馳日逐較驛吏  
報馬斃鞭撻寡婦哭寡婦養馬戶前年夫死後占籍廣  
川郡有田種菽粟翁姑昔時在城邑復有屋連歲水兼  
旱游饑罹不泚夫死翁姑亡田屋盡質鬻寡婦自養馬  
遠適鷓窩谷績紡無麻絲頭葆脰膚黑塞下藜莧小空  
釜煮水泣驛吏鞭買馬磨筭向山石安得天兩金馬壯  
口有食

寄六弟元德宰東鹿

我有六兄弟我長汝最幼我長守田廬汝幼侍親右跋  
涉萬里途隨牒越閩岫親復當官清晝坐寘宴豆教汝  
讀詩書夙夜獵文囿不幸親棄予萬里汝扶柩汝兄元  
禮賢斬服携汝走我自河淮南迎喪匍匐救號哭天不  
應崩裂屢顛暗歸安桐鄉阡銘文手自鏤買石礮石儀  
一作儀樹栢夾漢獸俯仰嘆存沒今茲霜露又汝今出作  
縣我偶尚書 戒汝憶親教公田代耕耨汝素謹禮法  
口未見嗔詬更宜歌我詩無視我老謬憔悴傷民恚  
忿兩莫闕縣政書考功同去聽山溜



葆真觀納涼二首

霍旱熾初暑煩囂不可滌城隅有琳館松竹蔭午日呼  
我良朋來嘯咏各岸憤蕭然忘世憲相對坐盤石  
淪茗滌塵襟煩暑亦可忘團扇篋中扇復開明月光况  
此太清居林樾天風涼誰鑿河漢冰為我兩入方

端午效六朝體

脩篁發秀林新荷疊芳池采絲擷霧縷紗縠含風漪  
蕤賓應樂律端陽正歲時馥蘭湯浴灑蒲酒持漢宮  
鬪草戲楚船張水嬉江心鑄龍鏡好用照湘纍

移梅四首

幽屏逐魚鳥沉跡濤隱倫所欣在林藪嘉植日以親  
眷言江介品紛葩號南珍遇我好竒服移根得良因  
井十畝園菁茆蔭澗濱縞裳擢玉質宜此空山春

始逃爨下死復脫燎原焚結根園畝間烟臨水瀆疏  
華照歲暮綠萼栖寶熏春陽桃李繁鼎寶獨已先遐情  
愜真賞來置我石田北枝散餘霞苔先生碧鮮

玄冬陽已復仙葩綴疏星隔浦映碧竹隨風墮寒燈我  
來刈薪蒸弛檐南山陘攀莖嗅清馥擷美嚼芳馨膠結  
灌木叢顏色無光熒彷徨未忍棄洗濯歸林亭  
植尔當庭隅豈復資鼎味遷尔自谷中豈復相媿媚列



列玄冥候象植各浮脆高標自凌寒孤尚獨冠歲一禽  
何處來飛下雙羽翠

田居二詩寄元叅議

積潦被原田豬水湍陂塘具我錢罇器剗楷飼牛腸周  
垣無不完南東植柔素欣，條枝發向日欲奮張衆草  
還芊，朝雉鳴陽岡始旦荷畚去取糞城邑傍敢辭作  
勞苦但願筋力強

上馬作將軍下馬作博士服賈真無良蓐食勤穡事王  
朝列公卿田稅豈十二同里相勞勉牛種更貸貫雖無  
凍餒憂未可悅親志親志在榮光祿養乃始貴為詩獻

儒宗秋獲見稔歲

初日八首

初日照我樹我樹日華滋檀欒綠陰合四顧無曲枝盛  
暑熾煩敵其中有涼颶成林蔭千畝棲息任所宜

初日照我墻我墻無文巧周遮限奔逸環堵存屋隅聖  
譏糞土惡塗暨飾穢如畚鍤戒勞歌樂此生其樞

初日照我屋我屋受陽光寒暖順時令風雨謹蓋蔽接  
棟無文雕析析一作棟取材良聖亦善居室苟完斯為臧

初日照我書我書在東牖赫矣先聖言天地相永久秦  
火雖燎原其灰為世壽人文待茲成老死學敢後



初日照我田陂水方滿  
騰既欣稗禾發復愛嘉木榮  
伏膺獻酒食報賽歲事成  
告僕緩爾私先可輸王征  
初日照我車我車不濡輪  
泥潦即不出旱復避埃塵  
當轅駕一馬宜彼原阻平  
下澤非所慕朱丹亦非情  
初日照我池我池水波生  
芙蓉冒紅影黃盤蔭綠英  
龜魚相浮游鳴鵠弄新聲  
雖無臺與榭足自娛幽情  
初日照我衣我衣多賜服  
霈哉富筐篚圖報命莫贖養  
痾得退歸持比侈君祿  
茫々宇宙內被體幾完足

飲田家

田家酒初熟邀予坐籬根  
我復不辭飲喧譁輒傾樽耳

熟歌擊缶雜坐忘卑尊  
論古似嘲謔顛倒義與軒  
禮容或稍愛此情義敦  
丘原正春意歸路花柳繁  
翻々鳥飛去悠悠寄情言

史館閑題二首

騎馬到畫省寇佩趨几筵  
豈但文字美所樂長官賢  
京國足有寺金穀相百千  
飛書日雜還奔命思不先  
肅々館閣嚴操瓢績簡編  
上有日月光下有草木妍  
森羅大象列俟此言語宣  
蹇予昧儒學群髦辱官聯  
遭逢賴明世益喜身悠然

畫省真仙居華屋映丹樹  
青石倚闌干松髮沐雲霧  
綺



疎刻連錢承塵畫翔鷺中有河漢文夜深室光聚三函  
黃金鑰太史自侍御河上一豎儒伊吾誦章句偶趨彤  
庭詔詞林迹天路雖樂文雅懿終慙紬繹誤

祖生求母

風塵知無歸海波知無還所以求母人見似涕已涓涕  
涓何時止得母始歡喜不見猷猷謠常言樂平世

題米孝廉詩卷

仲子或乃廉匡章或乃孝是非相失真百世每一道若  
人古君子二德夙所樂風聲苟不樹何以達民教記實  
有遷固雄辭蔚文豹坐可卜傳信高晏麗星皓

擬古二首

長安青雲士任挾日娛游千金為人壽萬金買名謳小  
舅拜郎官女婿息澤侯出入意氣盛歡樂不知憂銀枰  
薦海品羊酪乞蒼頭生逢承平世死葬崑崙丘  
早嫁金閨妾翡翠冠步搖纏辭七寶鈿繡挂襲鮫綃江  
南茉莉粉塗頰數年嬌專房妬夫婿奩錢媚神祇最恨  
蚕繅賤却恐鎖香銷

奉和王儀伯叅議龍門

魚鎮列方國茲山入叢霄隱雷鬱夜壑奔滾劖春潮跋  
鼉不可升負鼉詎能超媯鍊後萬神禹鑿勞百僚我行



當晨興鷄鳴馬蕭蕭，歸馬見閭闔烟雲限紛囂。所樂鎬  
京從敢賦淮南招，擣辭造鶴行藻思芳年彫。飲酒輒亦  
醉汎汎風鷗飄，日畿夫容衢玉輶。九天遙高詠青雲扁  
翹首扶桑朝。

問燕

紫燕尾涎涎，巢成引雛去。秋風巢泥落，燕去不知處。明  
年春社時，又來哺鷦鷯。不問主人誰，還可巢門楣。

擬古二首

日轂麗中天，重陰受大光。甫田溉以泉，嘉谷岐稌芒。美  
質膺教益，釋然達其良。區區事文法，河決柘土防。

驅車上疾坡，六馬汙湍溝。解航下急瀧，百夫不能留。微  
機有逆順，無用卜筮謀。車遲或可安，航速或覆流。

送別李彦方憲副之官

昔在翰林日，與子同官聯。出入文史間，篇章雜朱玄。飲  
酒學士家，走馬大道邊。各不識時貴，浩氣超八埏。今茲  
西禿翁，短髮咸被肩。睽違諒不樂，國憲屬持宣。八州多  
疲氓，豪吏爭控拳。擊搏并煦嫗，所施務兼全。期子上報  
政，慰我心惓惓。

登都北神山醉中題壁

過溪踏瑤瓊，入山採蒼翠。仙宮名神山下，負六鰲背我。



來訪丹藥羽人已千歲清嘯響山谷幽姿媚松檜白水  
從北來南與衆川會開窓目沃野千峯儼相對自是山  
林樂何但官爵貴買田釀清泉里社日相慰詩成悵如  
夫天風逼衣袂東望鄒衍廟盃酒可遠酌談天劇當時  
古屋尚粉繪騎驢獨歸去人世空一喟

種桃

種桃南山麓三歲不得實種瓜東郊園擷之在百日豈  
不思遲暮終焉有常食如何種瑤草千歲始一獲

王繼學同張學士壽寧宮祠宿奉寄二首

永日坐虛館晏然有餘清迤邐違世囂冲融叶道情修

管文賦成歌詩藻思生涼颺入書幌逍遙命觴酒披拂  
有庭花山石可擊拊下階就步武布席思我友我友不  
可思方與神仙期我華陽巾左右委佩垂夜半燈玄  
壇象緯光陸離天門倘有遇為我含景滋

送郭用可教授雲南郡

駟騎道筇笻拖舟絕泮河西南古朱天謠俗雜竒譎駘  
餉仍炷爨毛裳啗蠹羸良金飾長鋸翁季輒交劇官家  
善羈縻續得受捫摩君往教其人為國揚餘波同文寔  
同化萬里歸謳謌

穎郡



孤城介汝穎四野盡衍沃梁楚異風氣沉頓封域錯  
的墳壤美宜我稼稻粟居民尚朴儉遺邦頗文物邈我  
宋兩公當年擅高躅至今風月夜西湖有鳴玉竭來載  
淮舟登高恣遊矚故老不可聞聲華竟誰續

昌平道中次繼學韻

清朝富文物寇蓋塞兩京角藝百技並論經千儒并下  
才忝供奉肅齋館清朝出都門道群山愜幽情聯鑣  
有髦士海內馳英聲白馬斯南風羅袍映田塍咲我如  
培塿自比山崢嶸

度居庸關次繼學韻

飛鞚陟雲巘決背盡圖畫天氣吹高寒山雨洒長夏冥  
冥白鳥去窅松子下陸行石當塗水春泉繞舍高與  
蜀道齊深乃盤谷亞筍輿約重來羸馬苦常跨朋泛詠  
連疊酬應給閑暇得見王子喬吾將驟鶴駕

馬石田文集卷一





馬石田文集卷第二

七言古詩

題惠崇畫

龍門千尺梧桐樹多在石崖懸絕處上有古巢生鳳凰  
鳳凰臺高山水長吳蚕八繭白雲絲畫史落筆光陸離  
江天萬里莫射鴈春草年々出湖岸

所過

張良廟前流水聲歌風臺下曉鷄鳴行人舟中寐復起  
此生亦欲成功名白髮可憐并斗祿持歸不足求田屋  
揮杯看劍獨長嘯萬里朝雲見晴木



題商德符山水圖

曹南山君畫山水幅綃咫尺千萬里古木樛枝障霧雨  
蒼石断裂蹲虎兕路幽應有仙人室樓閣恍惚雲氣入  
翰墨黯、絕丹碧芙蓉峯高觀海日

淮安路池山

淮浦蒲花秋渺、淮岸楊花春裊、白魚初下酒舡未  
十里風烟隔飛鳥吾生欲向淮安居更聞池山好田廬  
濯足滄浪箕踞坐不問朝家求聘車

湖北驛中偶成

江田稻花露始零浦中蓮子青復青  
楚船祠龍來買酒

十幅蒲帆上洞庭羅衣熏香錢滿篋身是揚州販鹽客  
明年載米入長安妻封縣君身有官

李後主圖

澤國中寒歲年晏沙嶼潮痕明石棧風吹半樹野梅發  
天上書來問春鴈江南後主舟鉛手畫盡冰絲世無有  
宮中長書諫囊稀媚嫵吳娃雙進酒

寄鄉友

河邊老父念我出遠寄京華書一行謂言白髮今多少  
又報南園竹樹荒門前石田杭秫熟犢子新生走如鹿  
莫戀官家有俸錢長年作客身如束



送周南翁之官池陽

霏微桂叢綠霧深集仙書殿秋沉，九華山影墮酒醅  
便欲起施青楓林青楓林高霜葉赤途，連雲鴈行急  
蜀麻吳鹽來往時閑坐城樓聽江笛

畫樹

寒槎偃蹇風雨攻蟄龍嚙雲礧石根戰壘防秋鹿角柵  
長筏浮江下蜀門憶昔馳射古楚原夜觀野火燒楓林  
高堂醉酒看畫幅樛枝薜蘿牽我心

何仲博家棣韞堂

我有破屋近烏巢水波春雲拂塘坳弟兄三年不得見

屋前石田竹稍眼前有此紫荆樹何時重過西州路

欲瀉銀河下墨池畫寫狂歌滿華柱

宿興化縣界

去年七月淮水發獨乘扁舟觀禹跡今年七月天又雨  
躍馬南上閩嶺石蹉蛇歲時身老大瑣，苟祿慚莫述  
白髮山中抱孔經曾見青藜下天乙

再賡前韻

莆田颶風秋更發山寒天暮見虎跡夜起繞床聽簷溜  
又愁雲中龍出石我行閩南王事急文字豈為年位述  
每嗟莫救黔婁飢誓從方士祠太乙



題明皇瑞箭圖

寧王玉笛吹鳳凰桐花秋露宮晝長開元天子忽思武  
手中金箭照眼光何物群婢出後房羽林孤兒射殺將  
坐中凜，無漁陽

題趙承旨枯木竹石圖

猗歟太史諸王孫生縮畫出崑崙根枯槎菌蠢厄野火  
淇園秋兩琅玕繁天寒歲暮碣石館囊書日見玄雲翻  
持向故山茅屋底倚看屈曲大江奔

閑題

客來散我床上書客去風吹忽成帙平生情思苦愛

更喜坐嘯銷永日京都王門可曳裾鼇峰翠石相椰榆  
睡醒茶甌綠香滿誰能走馬汗揮珠

上京書懷

燕子泥融蘭葉短疊，荷錢水初滿人家時節近端陽  
繡袂羅衫雙佩光共咲江南五雜組畫鷁浮波供角黍  
沙苑射柳追風駒古來北地為名區

室婦嘆

南陌日長春已半天風猶寒室婦嘆咄哉室婦尔何為  
卉衣廩粟充凍饑飽暖無憂樂以嬉乃此屢嘆將有私  
室婦涕泗言復咽食鮮袂良馬足說近聞官家賑負民



雄保諸州已損一作瘠翁姑帶索行纍、弱兒失爺夫  
失妻哀號村空野樹槁蔀屋見斗餓鼠啼縣令具名報  
太府星火符來應期聚索錢買餅飼公卒書券質田問  
鄰主艱難憔悴不易狀誰實為之俾無養嗚呼吾人痛  
切甯忍死莫作盜賊徒君不見蒼鷹乳虎有司靡何但  
歲凶人化鬼

息齋風竹圖道士華山隱得之命予賦之

往年家住篔簹谷丹竈之實美如粟玄雲翻空下深靚  
昆吾寶刀削秋玉石衣漬錦侵書光風微粉墮生細香  
琳館瑤臺九天近夜寒笙磬聲鏘、萬斛蒼烟鬱江雨

二妃彈瑟瀟湘浦耶箇蜀酒亦堪沽蟠石雙杖令誰取  
河朔歲晏冰為梁羣木鱗皴臨雪霜遲汝狂飈莫吹裂  
截管他年侑帝觴

上京効李長吉

龍沙秋淺雲光薄畫羅宮衣侵曉著吳娃楚娘侍團扇  
象輿鳳輦明珠絡椒花染紫風雨香三十六盤天路長  
南都北都望行幸千秋萬歲迎君王

李夫人

未央天子香醺骨夫人不貯黃金屋水銅無光濕秋月  
留得當年舊蛾綠瑤臺夜佩聲闌珊沉雲叫鴈沙泉寒



二十五弦彈鳳凰玉釵小燕飛春山

祝丹陽祠武當

東窺禹穴西龍門<sub>狎</sub>虎豹兮觀魚龍中有武當神所宮  
捫摩光景憑雲風旁礪頰入厚地裂環視百鎮真叢  
丹陽道人紺髮古走馬北來致天語延祐天子聖明主  
萬歲千秋作風雨

蔡州妓趙氏墜崖以死自誓作詩諷俗

鱗、汝水冰碧光汝之左右百草芳紅蘭紫桂媚長晝  
鉤輞烏子回銀塘芙蓉無數菱葉小西家鞦韆屬年少  
燕泥霽雨風景酣簾箔依稀<sub>有</sub>歌咲趙氏女子邯鄲娼

綵絲繡履踏春陽心思宛轉縈雲縷羞對兒郎唱鳳凰  
樂山嗟峨石生兩鄉人迎神奏歌舞婆、起向神祠前  
祝願生身事針組野風吹目雙淚零泉聲松韻相冷、  
誰言女子情愛癡誓死命輕如烏翎烏翎飛上合歡樹  
開花夜、無愁苦秋香不斷相思浦玉釵斷股埋黃土

題織錦回文圖

桃葉渡江不用楫織女烏鵲填河白合歡樹下宜男草  
色不及羅裙好織錦度曲聲亦柔黃龍塞是契丹州  
夫君戍歸定何日樂府陳娘歌第一

題簡天碧畫山水



西江隱君簡天碧醉來畫水復畫石春山秋樹綠更紅  
木橋野屋橫且直烟雲蒼鬱風雨交元氣淋漓障猶濕  
雪蓬夜宿魚尾舫晴蓑曉掛牛角帙岷關巫峽冬氣清  
猿啼鳥嘯天一尺老來看盡眼苦澹便擬買田溪水側  
脫去賜帶繫芒履著書五車刻苔壁

秋意

銀床墜露下高桐竹練含冰留麝籠蒲萄酒作碼碯紅  
湘娥江邊採芙蓉月華流影天漢東素商淒清颺微風  
草根知秋有鳴蛩

寄家書

春雲閣雨花泥少池上波平飛白鳥薊中河外盡天涯  
蓮葉圓時身到家

五言律詩

春行南郊

綠樹連城合蒼藤入澗懸作橋分野路取竹縛溪船載  
酒誰留客看花我欲顛歌詩諧故老笑語屬神仙自鑿  
蒲萄井人開省菑田街櫻黃鳥哢窺藻白鷗翩狎坐欣  
時俊隨行喜妙年山陰知寂寞春服且雲烟

固始縣南岳行祠

往歲曾登眺今朝又謾來山禽鳴獨樹石壁漬荒苔水



淺沙痕亂天低鴈影迴春風吹白髮有酒且銜杯

應制壽王少傅

皇極敷多福臣工保壽耆提身名愈茂佚老眷殊弥疏  
廣金無幾祁奚子更奇堯樽沾露醴齊服剪冰絲几杖  
隨身到冠巾與野宜珊瑚生海石琥珀出松脂西掖清  
光徧東朝寵渥私仁風初煦化日自遲宸詔徵歌  
曲仙音被樂詞乞言方有待莫去採靈芝

過文著作家

誰住街西屋文昌著作臣茶甌宜客靜書帙覺予親栽  
竹應棲鳳操觚定獲鱗青藜明夜半北極動星辰

贈王待制

雪樹明街越水澌合御溝物華迎節換淑景拂天浮長  
日書封事經年問酒籌已知花塢好惜汝獨重游

翰林書佐杜元美戲綵堂

聖代文明日時賢事業初雍封邑屋秩表田廬孝  
友歸今杜風流藉後予無詩歌陟岵有賦叙閑居夏閣  
搖紈扇春船捕錦魚又尋倉氏米還寓翰林書追陸重  
懷橘非温笑絕裙五雲誇地近三釜喜身如我亦陳情  
者誰云捧檄歟強來親筆硯不去荷犁鉏大母頭疏白  
諸嬰口聚鸞薊中瑩入路河外野沉游一作車藝圃思傳



業天門聽唱臚終慚老萊子欲語復蘧蔭

送文著作往鄂州諭南使

大化均天施皇圖象岳寧宣風依日月發號布雷霆  
虎巖分鎮鵬鷺蔚在廷芝莖聯孔廟莫葉茂堯庭珠  
圓，白樓素箇，青謳吟興隴畝游衍及郊垌楚俗那  
三戶滇童信六經已知含煦育復此仰儀刑使得皇華  
美歌應湛露聽賜衣裁錦段官醞應瑤餅上國崇懷服  
熙朝尚德馨魚書開粉蠹鷄卜在軺星鄂渚翔鸚鵡燕  
臺念脊鷄歸途回四牡楓樹失江汀

送王眉叟真人

秋暉上寒竹白鶴立蒼苔石洞松花落雲房澗水來  
彈琴翻道曲搗藥應猿哀別浦迴船急孤山看早梅

送人之陝省幕和韻

綬帶驚沙鶴紗巾逐海鷗驪山泉未冷華岳樹先秋  
路出汾陽里衣仍晏子裘風流蓮幕羨君豈歎淹留

伯長內翰與絕學內翰聯句賦畫松詩清壯偉  
麗備體諸家祖常實不能及後塵也仍作詩美  
之焉

吳縮冰絲白秦封石髮青沐華浮鶴露戢景菽鶉星刻  
畫風雲狀雕鏤鳥獸形哦詩鏗玉署集句燦珠經燁



舒光氣沉，逐香冥離歌。三疊唱凱奏，萬鏡聽肅穆。官師位雍容，樂舞庭江花。春艷，山竹雪亭，自咲如塵俗。懷慚似酒醒，無目顯琥珀。有去對鳩鵲。

都城粟氏玩芳亭

歲序催人老，韶華逐酒濃。開尊應數，閉戶豈重，花朶山猿折齋廚。竹笋供京塵，衣不染，猶得媚春容。

春寒

春寒犢子瘦，誰與念農耕地底。多生煖天邊，正要晴落梅。栖雪暈裂竹，見風聲為問催。蒼烏如何得使名。

送蘇子寧赴嶺北省幕

鷄塞鳴秋柝，龍沙列夜營。賜衣俱魯縞，給餉盡吳粳。野井冰生夏，寒天雪沒晴。藩垣資贊畫，幕府正知名。

送劉侍儀祠祭北鎮醫無閭

名鎮坤維左，雄藩碣石邊。宵明觀海日，春媚禊河川。塞道迷沙磧，郵亭過玉田。驕驢怜駟騎，襁費羊毡亦有鮫。人室應無鮎戶船。山椒雲物異，天角斗樞偏。望美祠官貴，時清祀事專。祝禧孚感格，錫福待敷宣。

謁告書懷

先子桐鄉北，年未憶舊游。山春花競發，沙晚水閑流。石屋青霞夜，藤床碧樹秋。防身龍具在，強欲問吳鉤。



贈彈琴道士

苦竹到階深雲房豈易尋倚松聞磬韻對石振塵襟  
芒屨玄壇曲瓊冠紫殿陰仙翁嫌我俗不肯坐彈琴

用韻贈王繼學時祠禱尺寶宮

玄關松桂深長晝客來尋撫石雲生手弄泉風滿襟鶴  
巢連屋角蝸迹上碑陰須信祠官美烹茶更鼓琴

送董仁甫之西臺幕

西南萬里地詔屬太行臺秦樹浮天去巴江帶雪來山  
河無用險邦國正須才臺幕風流美書籤想盡一作開

送周南翁待制

鷄曙辭宮漏鷗天趁客船帝書寫紙瑩母侍板輿鮮林  
壑烟霞古一作松楸兩露偏儒臣文藻劖隴表勒高阡

華清宮故基

開元人物盡茲地尚華清古道風塵急溫泉日夜生碑  
詞惟石薛宮樹有春鶯過客知王建題詩不記名

靈州

乍入西河地歸心見夢餘蒲萄怜酒美苜蓿趁田居少  
婦能騎馬高年未識書清朝重農谷稍把犁鋤

宿遷縣

河伯朝宗日黃昏一作塵出岸高蛟龍分窟穴舟楫用波



濤使者脩隄急田疇棄屋逃無錢誰貫汝歲晚更嗷

呂梁

天府河流北徐方禹跡難青山開石碣白日看風端星  
宿光芒合坤維脉絡蟠吳船牽百丈醜酒酌陰官

泗州塔

梵塔層層出雲間見象輪金光動淮水鐸語名川神負  
載坤多力莊嚴佛有目堤陶千萬億穹石刻銘新

舟中

蕞薄縈雲曲岡岫引霧深舟輕風燕疾衣薄水螢侵夜  
久江喧瀨秋清竹滿林閑情任飄泊到處欲登臨

徐州吊蘇眉山

城角黃樓壯蘇公骨已仙亂流無嚙石宅土有居廛才  
大為時忌名高得世傳舟中卧讀賦臨水一琅然

挽饒國吳公

泣雨纏丹旒靈風攪素帷番君歸廟日饒國表阡時穹  
石鏡仙籙華編綴誅辭山原松漏月墓道櫟生芝諧世  
資清福全天樂壽耆孫聯書殿列兕侍竹宮祠執紼嗟  
何及居廬願莫私明王崇秩祀歛錫待敷施

送郭巨卿之南臺

臺府濤江外官清吏報稀印朱塗野謁研潘滴山罪列



鎮幽明入方州殿最歸羨君高步穩悔我棄荷衣

送王伯弘平章

衮職華蟲祭台塔象緯明世須先轂帛治理後章程所  
貴求儒効何勞得論衡退公無候吏飲介有諸生楓陛  
都俞密槐庭屬望清助耕千畝籍謝絕五侯鯖疏傳專  
高節韋賢擅令名臣工商相重鄉國魯公榮汶水春疏  
疏一作流鮪徂松夏轉鶯來宜思舜慕去合體堯情尚醞隨飛  
騎宮衣滿賜籬曹裝應再趣莫擬種黃精

送侯廣彥秀才

淮水清無石君行去路賒分金知鮑叔問字見侯芭雲

滿山遮路天高雨送霞士貧方傲世白髮豈多嗟

秦元卿家慶圖

天爵榮良貴皇家錫頭封恩光依上國寵渥蔭華宗椿  
悅荆交艷萱妍桂競穠園亭春掩映森野畝橫縱令子  
官薇省諸孤胄辟雍儒功誰表率善俗此儀容

辛良史披沙集詩

未可披沙揀黃金抵自多悠々今古意落々短長歌秋  
塞鳴霜鎧春房剪畫羅吟邊爰餘髮蕭颯是陰何

海子橋二首

朝馬秋塵急天潢晚鏡舒影圓雲度鳥波靜藻依魚石



棧通星漢銀河落水渠無人洗寒露為我媚美蕖  
南望蓬萊觀行人隔苑牆有時馴象浴不見狎鷗翔宮  
樹飄秋葉江船認石梁辟雍真可作擬賦獻文王

秋谷平章生日

上宰儒宗重中台位望隆承天施塊圮捧日照瞳矐  
洛精靈合文章運會通鄧侯初亦生一作昂周翰降維嵩  
姬正逢陽復羲車含斗中肩毫齊紺髮仙骨烟方瞳寫  
鳳翔千仞貂蟬侍兩宮天池浮畫鷁公袞煥華蟲造命  
毗元化書思沃帝聰山河尊社稷禮樂賴臣工韓國蕃  
宣永高皇報施崇從來黃閣貴只屬紫芝翁檻竹沉

翠庭花灼灼紅道山藏畫象詞館轉詩筒洛下耆英盛  
人間壽域同君王自養老何羨菊潭東

送李元章之陝縣元章旧官太常

周漢風流地即官出宰年憂民思罄折去國想官疑作  
懸種樹連閔右栽花近洛川莫嫌齋馬瘦春兩便行田

送符鎮撫之官

金符傳拜將白羽看麾軍吹角弓橫月開旗馬望雲舅  
家書盡讀新府令初聞油幕風流盛吾歸詫隱君

題仇公度所藏先世家訓手澤

斗南人物論仇氏爾為先燁燁文華在綿綿世美侍庭



趨元獵較祿養有圭田感慕吾親志臨書淚迸泉

泉南孫氏園亭

鑿石通歸汐浮梁看洛噉鴨闌萍上羆鹿柵蘚生垣簷  
蔔乘梳子篔簹長竹孫書香芸辟蠹席煖錦裁鷓交客  
登仙籍承家荷帝息冰甌蜂蜜溜酒榼荔漿翻吹籬花  
圍屋彈琴鶴舞園海雲春有態閩雪夜無痕誰謂衣裳  
懶予今杖屨煩持鬢歌月地翹首望天門

贈里人別回寄祖義祖烈

萬里天南地逢君似到鄉欲同觀海嶼忽別上河梁楚  
樹思頭葉淮僧憶借航歸時報兄弟莫遺石田荒

再從浙入閩二首

江外淹留久那堪去復回水生客星瀨日出偃玉臺  
竈茶甌至筠籠橘顆來春雲又成雨着意落寒梅  
積雨閩河濕今朝日始晴浮船下夜瀨覓酒近春城鷺  
鴨將雛出牛羊傍母行獨憐無似客萬里又南征

送光州陳仲禮知州任滿北上

太守官仍貴王畿路豈賒歌驪君獨喜繫馬我興嗟  
髦士應朝請群公論汝嘉送行無酒榼歸去有書車魯望  
雲浮樹淮空雨浙霞鴈來猶為稻鷺下獨憐沙宗器知  
瑚璉祥金未鑄鄒漢庭須賈誼楊宅失侯芭涉歷川塗



異游觀景物華秋風河漢側被髮泛靈槎

次元禮弟韻

白鶴愛苦竹婆娑正尔嘉田居門近水野飯甑炊霞自  
種千章木誰乘萬里槎小亭燒藥處依約是仙家

送人自淮南賣田還江陵

楚國方城外江陵漢水邊俊才多顯達高士亦留連濟  
濟夫君美栖獨尔憐如何無紫橐尚此有紅蓮歸覓  
千頭橘行荒二頃田相逢還又別春水看浮船

謝紙

長夏身無事煎茶被竹練官清還食祿俸厚欲收書揖

客談玄理逢人問故居不曰舒道士無紙寫拈攔

遊華嚴寺

化國日遲招提獨往時鶴馴看梵磬猫定護齋糜貝  
葉翻經譯沙墻應制詩庭前雙樹好長夏得風吹

次韵繼學三首

金爵層霄外銀猊曲檻邊香俱國士持橐半神仙豈  
有塵手應無見麴涎地清天似水席煖蜀如綿客送  
蒲萄酒人分首菑田書思趨豹省撥藻賦龍船時上大都

移舟誰念馮唐老為郎白首年

鷄塞西寧外龍沙北極邊有天皆八貢無地不生仙鵲



王光含水驪珠濕帶涎香清堪閉閣衣薄豈勝綿珥筆  
遊鰲禁扶犁占鶴田酒來楊子宅人上剡溪船自信扁  
章貴能歌擊壤年

丞相晨趨漏元戎夜拓邊碧鷄崇漢時丹藥監秦仙敢  
謂鰲頭選初逃虎口涎柳詞方濯錦雪賦已抽綿艷  
金為屋輝玉湍田客衣隨楚製鄉夢逐吳船所賴三  
階正物記有年

陪可用中議祠星於天寶宮

教命司諸席元辰集醮筵星君符介壽歲紀輯安躔炬  
焰天無夜熏焚樹有烟音如緱嶺上拜似竹宮前藥友

祥延世颺輪儼御仙日餘青熀接宿耀蜀壇連象緯昭  
重潤齋明祝大年步虛垂珮響奠幣織文鮮誠感將馨  
祀神娛樂鼓泚蕃釐歸帝胄孚祐播農田

崇真宮西梨花

春日梨花下相逢把臂行香痕憐粉白酒暈惜紅輕影  
動簾穿燕聲來樹度鷺共當拚一醉莫待鬢華生

明日在羅中官園池次韻

帝里春光媚花前可獨行額黃團帶小眉綠畫痕輕蕩  
漿波浮鷁裁衣粉妬鶯却愁風信惡明日樹生陰

送可升法師祠武當山



華芝三曲蓋靈馭九龍車人喜仙官至誰云帝闕餘山  
神驅黑兎真侶耀朱蛇石髮松膏霧天衣兩織霞澗青  
春舞藻岩紫畫垂花醮席羅星斗賓筵競鼓笳乘槎遇  
博望喫酒問桑巴竭澤無魚罟施遠有兔置熙、歸化  
域遲汝報重華

送楊仲禮江泚提舉儒學

江海雄南服衣冠重北門伏雲移振鷲船霧送翔鶴酒  
屢招人飲文多與客論名高依日月道大信乾坤官拜  
儒臺貴班聯會府尊齋厨還局巖賓所畫蘭蓀佐吏言  
猶雅公庭禮不煩過家懽上塚去國戀承恩田埭觀魚

子隣墻撫竹孫光榮休負弩歌鼓樂鄉村

武當山道士贈行

幽居鑿石楹仙路接青城印字吾行鶴拔金樹度鶯飛  
光無短景上壽有長生星斗何曾闇玄壇夜、明

贍得之慶母壽十韵

壽域資皇極天樞夾泰階樂生黃髮並錫福白眉皆有  
母禕裁副目兒綏結網高年方宴賜偕老屢興懷承祀  
言供食延賓使賣釵鬢絲猶故物彤管賴吾儕蘭茁矜  
熊枕花明藉鹿柴學書圖史備贄禮束修差予欲登堂  
拜誰令出旆諧歌詩陳善慶勒字擬磨崖



靈師山下過郝景文叅政墓

故相聲名遠荒阡松栢長地能終不夜天莫借飛光舊  
客驅車過新詩洒淚傷千年此山下樵牧禁牛羊

送史正翁經歷之嘉興

京華春滿眼楚客榜船歸花送行衣舞鶯從上苑飛尊  
鱸隨俸入素苧接田肥鈐閣文書少還知小吏稀

姚左司墨竹為賈仲章尚書賦十韻

江渚春生兩山楹夜宿雲籜鱗穿石錦節粉帶書芸玄  
玉昆刀削素絲并剪分魚竿方問野鳳管已相一作君  
莫作宣房捷還歌華澤文露零忻鶴警星度恐螢焚影

似風 見聲如雷 聞裁冠終有製作屋更無氣移植

驚蕪叟盤根識楚妘中郎揮墨汁宗伯侑鱸熏

許右丞蘸道士祈感應

榮門先赤幘索室借黃冠笈奏冷風至符飛苦雨軋市  
舡難繫賈米耳可芟刈朝薦祈年觀昏祠太乙壇嘉生  
資五福哀籲劓三魚鼈還陰宅蛟龍謝夏官金穰夸  
浩、粒食且搏、神享希 靈歸藉用蘭車輪非有  
角馬足忽生翰帝念愚眚病民歌法經寬祝祠期不繆  
相國寸心丹

送 誠夫太監祠海上諸神



上聖崇明祀元臣屬有文內香開寶炷制幣出玄纁授  
節臨前殿傳臚聽後軍酒清黃木廟魚祭武夷君颺母  
應回兩天妃却下雲不勞風有隧猶願楚無氛漕粟瑯  
瑯見還珠合浦聞穹蒼天塊泮溟渤氣絢縕龍戶編  
賦鮫人織霧紋時祠光烟、宣室語欣、鵬運連番  
輶歸願異羣觀書曾拜洛歌賦不橫汾越水琉璃靜閩  
花茉莉熏伏波封莫請宵旰念華勛

次韻阿榮目錄參政

輦路青雲上居人香霭間寺鐘聞下界車轍在高山倚  
馬才名世鳴鷄客過關黃陂隔淮浦歲晚約同閑

元禮弟寄和韻

野雲不肯出作雨漲山溪頗謂談捫虱何如學祝鷄鑿  
池通竹遠插架度書低林熟秋田後應知酒自推芳

適意

夢想蒼龍闕盤桓汝水濱郡侯偏愛客秋雨更留人饌  
盛嘗鱸鱠樽空倒角巾羈愁不能遣爭奈二毛新

贊御書雪林二字為趙伯寧中丞作

聖主敷文化臺臣得寶書方負河洛出次舍日星君禹  
畫州圻古義文物象初克勤資負屨躋敬賴儲胥王錫  
非輦帶天光豈器車傳家恩有渥訓德義無餘浩、冰



華潔亭，木本踈山輝。曰王潤雲氣，是龍嗟瑩爽才尤峻。栽培力不虛，明良須慶會。動植樂舒徐，眷遇榮金匱。謳歌媿石渠，賤微叨下列。瞻拜舞階除。

張元傑祠龍虎武當

岌業芙蓉闕，歲蕤翡翠幢。祠官天北下，仙屬日南降。香雨沾春隴，靈風鼓夜江。神來乘馬四，使至戴旗雙。宣室還曰鬼，箕疇却為邦。玄君明月珮，玉女白雲窓。淑氣非烟縷，祥光豈燭缸。兩山通地脉，萬竇響泉淙。有樹皆生酒，無苗不龜蛇。龍虎地，螭螭好為砮。

求趙伯頤畫家山圖用唐李中韻

春鴈南來後，家書一紙無。山花應向日，陂水計通湖。羸犉衣資絮，生蚕薄藉蘆。久宜拂白石，強此伏青蒲。琴客分抄譜，仙翁許借壺。園紅榴火煉，沼綠芡盤鋪。嵐氣飄簷隙，烟光鬱座隅。呼雲橫蝶竦，問月看蟾蜍。倚杖心何逸，觀魚興不辜。新開竹林送，併乞寫成圖。

猗綠園

殖產吾何取，開林我獨能。縛舡嘗取竹，擣紙每移藤。池曲波濤小，花繁霧雨蒸。春雲同礎潤，秋月共江澄。鳳下非回食，魚來不可罾。寫經還道士，裹飯乞行僧。筍屨新青折，荷衣舊翠凝。浮甌茶有乳，溢甕酒無冰。香地苗文



篆書囊刺繚綾清晨食玉罷東坐日初升

贈蘆州黃孝子

我家淮水上孝義夙多聞  
邑屋封華表丘園聘束纁  
久嗟毛義檄更嘆董生文  
白石山中去吾將問隱君

雲巢道士

弱水不容舸仙山本負鰲  
坊偏朝斗柄材或伐蟠桃  
羅戶春絲密梁河夕竦高  
點金應有藥切玉豈無刀  
兩裏攀龍鬣風中拾鳳毛  
露珠疑藥白霞纈暈綃  
袍箕尾人能遇靈槎客  
每遭隔塵勞夢想斥鷃在蓬蒿

出都

長城懷古處身在日華東  
水出靈龍塞山連碣石宮  
沙鷗終自白霜樹忽然紅  
雲海鴻濛氣歸颿杳靄中

項子虛鍊師歸舊隱

黃石書難遇青精飯易逢  
山中霞盡碧海上日偏紅  
舊種三珠樹新栽五粒松  
大年能駐景上藥可還童  
塵隔悲浮世仙成剝化工  
龍采寧有穴鶴放更無籠  
衣製波紋縠琴備火爆桐  
綠章飛洞府藥笈奏神宮  
默龜潛息懂蟻闔聰鍊形  
吾體惡回爾問崆峒

題惠崇畫樹林

下瀨生秋響平林漏曙光  
蜀橙陰十畝閩荔熟千房  
不



聽樵夫伐無勞匠石傷靈槎上天漢全棟架明堂  
雲垂幔霖雨濕墻鴈奴呼伴審鳩婦擇棲詳路遠逢  
仙宅天低近帝鄉春行苔履滑夕坐筍書香束縮刀誰  
剪西園價爾償懸車清渭後白髮洒蒼涼

虞伯生學士畫象

韋相傳經業揚門世講官箕裘君自得文字我知難汲  
冢朱塗誤秦灰墨補殘黃流疑玉瓚僂露滴金盤不肯  
投漫刺偏宜戴小冠近林聽竹雨臨澗看風湍詔入蒲  
輪軟訶歸釣石團青山連石國白日照長安擬卜龜呈  
兆將書鶴借翰風流圖畫裏方自見神完

登雨花臺

積翠生層巘凝光浴巨濤吳城花覆井楚舸竹栽篙地  
近魚龍逼天空鶴鶴高野橋皆蟠螭溪水盡蒲萄兩石  
逢芝箭風林得鳳毛臙脂兒女小罨畫鬼神饕六代都  
街辟玉山尚戴螯宮猶荏苒古樹漫周遭仙洞歌瑤  
草人家宴碧挑飯香非接浙酒好不芻糟綠霧春連閣  
丹霞曉映袍攀躋忻境勝跋涉憚人勞老我才還劣清  
資媿重叨採詩今有使問俗似無曾佳麗千年寂聲名  
一世豪歲時休澣日携手可遊遨

南野



南野新亭好城坳築小丘飄花如迷一作虎落穴一作過水  
識龍舟朝士尋山到隣翁載酒游五雲天塊漭書帙瑞  
光浮

紫芝不用事

霞纈盤華盖天葩擢看雲孕靈非有種拔藻忽成文冠  
轟仙裁羽纓垂女製裙原田多衆草獨尔擅組緼

贈楊洞天道人

我自不入俗君今又欲仙烏啼百花裏屋住萬山邊密  
樹雲難過空潭月易圓題詩秋卷了為說小行年

太行東北去形勢自天分一蒂航吳越千車輓朔雲衣  
冠今復盛豪傑古猶聞欲獻三都賦茫然愧不聞  
不作還山夢因吟李杜詩平生無飽飯抵死只憂時事  
實兼唐史風流揖楚辭山川舊遊處千載有餘悲  
王子不耐俗還山應恐遲挑燈同此夜把臂憶當時愛  
我常懸榻逢人只語詩買田今已訣莫負耦耕期  
好去春山路騎驢罨畫中徜徉紫芝客憔悴鹿皮翁得  
酒寧辭醉逢人莫語窮乾坤皆古意人自不相同  
御史青驄馬詞臣白玉堂有才皆展驥此老尚亡羊雲  
海迷舟路天風朱鴈行不須愁白髮正欲媚幽光



古意在眉宇新詩應口哦無錢賒酒得有屋喜人過宇  
宙十年事功名一曲歌執鞭吾亦可稅駕欲如何  
聞道光山縣城南十里賒人家依翠竹野水亂梅花應  
有仙燒藥寧無客艤槎行當門白畝結屋貯烟霞  
栽竹復栽花居然處士家有田供白飯無句詠青霞春  
雨浮鄰甕秋船繫樹槎漁樵相見熟來聽讀南華  
又是蒺藜秋浮槎繫旅軸古城空石堞平野半沙丘自  
咲滄洲客還期汗漫遊明朝入衛國淇上買扁舟

題張良卿御史乃翁萬戶死邊詩卷

莫恨將軍死將軍死是身子今簪獬豸國擬畫麒麟銅

柱聲名舊蕙然記刻新叢祠寄江右百世衛邦人

春思調王脩撰袁待制二首

翰林王學士宅裏好花開白紵裁春服青錢喚酒杯終  
知老子興嘗望美人來咲我如推鈍敲門一百迴  
京國春風軟名園范信來只愁添酒價還恐負詩才繡  
袂鞦韆下銀鞍驀裏回詞臣應自貴深院閉莓苔

再用韻奉繼學二首

脩撰官清切高齋不易開青鳧憎綠幘黑瀋覆瓊杯日  
日裁書出年，賜錦來最憐山簡拙惟有習池迴  
山東豪俠客走馬兩京來芹藻流清譽絲綸藉美才但



能鈴索靜還使酒船回夢想庭前鶴竒蹤篆紫苔

次韻咏石

老石何年有依稀滿路旁無人愁飲羽有客坐亡羊戒  
世能言晉傳書豈姓黃補天成五色何獨柱明堂

北行

山轉疑無路溪深似有雲衣裳沾沆瀣鞍馬入氲氳岩  
樹花凝畫崖藤蔓駐曠佛宮金匝，帳屋錦文，塵空  
車爭出霞舒騎亂分烟中聽犬吠天畔見人耘草檄期  
誅泚歌詩擬吊蕢家，收棗栗處，種榆枌枕有仙人  
記琴無山鬼聞時巡勞聖主靈會召神君泉脉流釵股

松身鏤纈紋團，留象跡蠹，立馳群龍虎盤南石貌  
貅鎮北軍井鹽仍晶，馬酒亦醺，越貢珠璣錯夷琛  
翠羽紛弓旌微隱逸斧鉞賜功勳俗已多羊酪民還賤  
豕豮兩餘雷茵長秋入地耕芬井邑聯山海倉箱溢隴  
沚白鷹隨雪鴈黃黑掘田颺太祖初飛御中原正溺焚  
劍光明塞道箭影落甯氛聖嗣開元極天聲震大贛轅  
門方納禹國鏡又收負降主來啣璧奔君自東縕只今  
修桐篁何但去輓轅公子衣縫掖王妃曳練裙期綿堯  
曆祚物阜舜風薰學士工謨訓成均載典墳小臣難頌  
德祇合採書芸



送同年趙繼清尹安陸

席帽文場裏于今十七年白鬚俱滿鏡墨綬獨行田鴉  
翼知吾刺鳶棲覺汝賢高才多晚達未可嘆迺遭

寄舒真人

金闕來華蓋琳壇集羽衣石臼鍾乳膩松為茯苓肥劑  
墨香翻杵修琴玉女徽天低臨象緯日近逼光輝竹裏  
開長迳池邊漱小扉紅迷霞綺錯綠漲水環圍仙杏葩  
疑赤蟠桃萼剪緋龍來還獨宿鶴去更知歸割蜜蜂先  
避銜書鳳自飛祠雷陳古磬符鬼掣靈旂丹井泉偏例  
銅盤露未晞俗人那得識詩客盡相依伊我逢休澣從

茲詠浴沂憑師消鄙吝猶可採山薇

送華山隱之宗陽宮

江閣魚龍近山房霧雨多地清天不暑池曲水無波筍  
籜迎書帶櫻桃送錦窠呦呼鹿唳換經鵝養素  
行編屨乘閑坐織筵幾篇食玉法一帙醮星科香地沉  
銀葉裾佩紫荷丹光留海月絳景出松蘿醉憶泉浮  
乳幽憐石爛柯神君攀綠桂天女踏青莎邀客登山頂  
尋真入澗阿洞簫吹道曲雲紙寫魚歌予髮今如此君  
心可柰何高壇見明月為我問娑羅

石田山居八首



甲子人愁雨河田麥已丹歲凶捐瘠衆天遠禱祠難賈  
客還沽酒王孫自飽飡更憐鰥面黑征戍出桑乾  
積雨衣裳濕愁人是麥田泥將深沒馬霧欲墮飛鳶  
火勞薪盡家居老屋穿墻根雜蛙蚓擬買繫籬船  
光山楓製錦潢浦荻飛綿林熟何論酒魚來不計錢卜  
鄰多野老求藥有神仙為客留羨筍清晨步石田  
四月淮天雨清林蔭碧池筍香隣瓮酒禽響一作客窓  
棋田鼓春迎社鄉巫夜賽祠漸知飄泊久自覺是農師  
無麥夫何極吾憂隴畝空豈能驅盜賊得忍鬻兒童茶  
蓼充腸熟樵蘇救口窮無端縣小吏名役到疲癯

作客何多意淮南即是家自牽蘿屋小不正葛巾斜書  
嬾眠尤熟詩來酒更賒春天雲嫵媚相對坐鷗沙  
竟日無賓主山房一翁竹光浮畫碧花藥颺春紅田

父分鷄一作隣僧乞鶴籠時行親杖屨未覺坐書空

淮南窮僻地先世有林廬花曙鳴山鳥芹春躍岸魚鼓  
琴仙度曲種杏客傳書朋舊如相覓休嗔禮法疎

即中蘇公哀挽

墓門翁仲泣秋草九原深身世書盈屋鄉園樹滿林故  
人多執紼今子早冠簪曾作陽關曲今成薤露吟

古城熊翁壽考



高年開八袞治世過千祺  
馥郁蘭當砌歲蕤菊滿籬  
子能知負米孫更喜含飴  
但願雍熙內吾民盡耄期  
一作

馬石田文集卷第二

馬石田文集卷第三

七言律詩

用樂天韻因效其題詠閑意

縑絲車響雨來稀  
菴畫圖中住翠微  
村北村南桑扈叫  
家前家後竹鷄飛  
青憐藤蔓春牽屋  
綠愛荷盤夏剪衣  
更憶江天家萬里  
行逢僧子借船歸

寄王繼學待制

文爛繞樞旁一代詞臣屬  
馬揚天碧綾浮鳶誥濕  
水蒼玉動鵠袍光侍祠  
竹殿絳靈幣奏對楓宸拜  
帝觴籍甚聲華才更逸  
如何三十不為郎



壽郝大叅

退傳歸來髮尚青  
角巾閑對老人星  
鳳凰池上辭松閣  
鸚鵡洲邊買竹亭  
留客只談三里霧  
見人不問五侯鯖  
慚無劉邠為公壽  
他日淮南種茯苓

和張彥清司農喜雪二首

剡船乘興便閑來  
不問樽罍幾日開  
春水起時寒欲盡  
梅花多處氣先催  
天街綽約清光遍  
雲幌依稀舞影延  
已是豐年調玉燭  
京華倦客豈攸哉

萬木鱗皴凍欲驚  
曉雲一色望中迷  
絲被紈素粘花樹  
點綴珠璣布稻畦  
沙嶼有聲鳴夜鶴  
冰溪無影照山鷄

蓬山仙客多清興  
閑日題詩對紫泥

寄隱士

林下蕭然一病身  
可憐家計若為親  
葛花藤蔓供山貢  
菰米蓮房給水珍  
鶴子見貧能代僕  
犬兒知主會憎人  
清朝日下弓旌出  
誰說巢由不肯臣

送趙敬甫侍御赴江西鎮

南昌會府盛才猷  
駟馬辭天又此遊  
二十八州當左轄  
幾千百里望前旒  
江明旌節文魚躍  
秋入衣裳畫鷁浮  
若見昔年徐孺子  
急須下榻問名流

寄吳真人二首



彈琴峽北翠華遊  
仙子翩、夾御輶  
日觀占雲乘顯氣  
星壇回斗酌  
河流菊花香  
晚思三楚桂子  
秋高下十洲  
應憶南都舊  
狂客青田歸鶴  
作書郵  
竹宮日近鳳凰遊  
龍輅秋清白玉鞦  
羽服侍嚴天帝子  
鶡冠書讀道家流  
雲高塞嶺松生石  
霜入江鄉橘滿洲  
仙客通靈塵慮盡  
南風日、作詩郵

寄王繼學

天北剽風去馬輕  
葛巾清景駐瑤京  
裁書綵筆卿雲爛  
照字青藜子夜明  
簷鵲聲乾人問訊  
烏鳧飛慣客驚迎  
靈槎八月應南下  
夜聽銀河有浪聲

奉和奧屯都事秋懷

靈河七夕巧雲稠  
墜露聲清夜得秋  
月冷桂花飄左界  
山寒一作空荔子落東甌  
人憐紈縞裁衣袂  
誰借蒲葵剪扇頭  
竹影近窓砧杵急  
夢隨南客問行舟

九日在告

青山到屋三十里  
瘦馬不能閑一過  
欲趁重陽浮菊蘂  
轉愁落葉下岩阿  
南鴻帶雨秋飛急  
北谷來霜夜杵多  
病裏題詩遣野興  
何人携酒與高歌

送侍御之南臺

雲蕊天然拂曙橋  
鍾陵松檜識南朝  
臨書應憶晨趨漏



把酒何妨夜聽潮官美當年裁錦繡時清今日奏蕭韶  
佇觀台對通明殿別擬題詩寄使軺

送王眉叟真人還錢塘

濤江秋半潮頭起來鶴亭高瞰雪堆白氎仙衣分鷺羽  
綠華洞府乞松栽閑留長日人間住獨伴飛雲海上迴  
何事而今東去疾孤山十月早梅開

題若客

擊劍酣歌白日迷高情邀見天倪石潭藻舞魚深泳  
花嶼春明鳥自啼架上道書研宇宙篋中衣帶剪虹霓  
洞房清晝奩香轉坐聽東街馬過泥

雙頭菊

金屈卮邊醉袖垂秋雲如幄貯仙姿寒生小靨迴寫動  
香入流蘇睡鴨移結綵巧承西穎曲落鈿羞帶月支眉  
青霜為我催樵悴銀屋何人怨別離

壽故相秋谷

鄴侯書帙滿高堂韓國封圻啟故鄉鳩杖倚雲吟雪岫  
鳳笙吹玉薦霞觴人間宰相青霄近天上神仙白髮長  
豈獨壽星明子夜春風岑蔚長琳琅

壽閑、真人和吳養浩博士韻

太乙壇高夜氣寒三芝八桂影闌干寶雲嘉獸青金鼎



素靄疑冰白玉冠竹雪珊、承步響松花拂、落衣軋  
高真御氣仙官應南極星騎五色鸞

壽中丞公

石室巾箱爛卿雲芝庭旌節照秦軍三珠樹茂仙官應  
二葉莫生壽曆聞皎、素心疑北雪垂、白髮濯南薰  
太微光氣明如水坐見臺烏集夜分

送道士趙虛一祠海岳

三珠樹影滿雲間萬里南天去鶴閑弱水浮舟求玉磬  
玄都結襪繫瑤環吹簫谷口雲遮路貫酒江邊月動山  
仙子無心問塵俗手中空握五芝還

送忽都達兒著作祠岳瀆戊午狀元

日長東觀著書清絳薦龍香為帝擎山發靄銀甕出

河宮迎節馬圖明行觀謠俗期星使歸奏蕃釐拜月卿  
千里楚卿乘傳去關人應識棄繻生

和張蓬山司農韻

蓬山高對石淙莊水磴飛輪日濺霜后稷官清芝檢濕  
杜陵天近竹練涼題詩獨喜輕紈素書笏重須奉赭黃  
下客揚雄貧嗜酒只今先有碧筒觴

和繼學郎中送友歸越中

薊門東望海無波誰許山人問薜蘿雀舫春聲留水鷺



鵠袍秋影動天鷲鑑湖草滿芙蓉少鄞縣水一作潮來牡  
蠣多羞見京塵遮帽頂羊裘亦欲換漁蓑

贈劉時中

江海歸來氣尚豪立談便合擁旌旄青衿令子箕裘美  
白髮賢妻井臼勞才大豈能期世用數奇還不救名高  
公卿知己吹噓易咲我官曹似馬曹

挽何得之先生

手織烏紗日賣錢全家閑住五雲邊伏生有女書空在  
伯道無兒世共憐北市行歌花爛熳西亭坐嘯月婵娟  
少微光氣今年闇知是詩隨過海船

應制壽趙國公

聖德如天念老臣詞林奉詔製詩新龜齡何籍依潭菊  
鶴髮偏宜對雪筠八蜡節迎千室飲三公官貴一身貧  
角巾野服林亭下正是蒼英社裏人

過錢塘

老翁八十能鉏豆記得江南亡國時驕將臨邊方棄甲  
孱王入海却張旗過秦才子方頭白解漢仙人豈淚垂  
東觀史臣班馬行乞書今古作元龜

錢塘潮

石橋西畔竹棚斜閑日浮舟閱歲華金鑿懸崖開佛國



玉分飛瀑過人家風衫鸛下春鳴埵雨樹猿啼暝蹋花  
欲賃芟田來此住東南更望赤城霞

追和許渾游溪夜回韻

溪水連雲過竹間溪聲雲影半潺湲鶴來近屋童看熟  
鷺下長松客對閑直將月痕侵石塢還期烟色認柴關  
人生豈獨官為貴好向君王乞越山

書事

伏蒲論事屢逢訶白髮而今更柰何好去仙山尋種杏  
敢期帝里要鳴珂囊中舊笏書青竹篋裡新袍稱紫荷  
百畝湖田三畝宅南天春雨白鷗多

蓋善長御史泗濱堂

泗水千年碧似藍泗濱華屋締榭柵人從魯北耕春雨  
山自供夕嵐方印只今垂組紐長檠猶獨近書龕  
天邊倦客滄洲遠卷裏題詩興未堪

奉和新除袁侍講見寄

周京宴鎬漢汾河蓬鱸何須丙穴槎東觀橫經環壁水  
承明寓直賦卷阿人間玉價連城少天上文奎左界多  
長日相思南望切羲車休怕魯陽戈

賦王叔能宅芍藥

鶯粉分奩艷有光天工巧製殿春陽霞繒璧積雲千疊



寶盃脂凝蜜半香並蒂當階盤綵帶金苞向日剖珠囊  
詩人莫詠揚州紫便與花王可頡頏

用繼學郎中韻再賦

花入簾櫳草映裙春雕紅玉百粵分重艷暈寒浮露  
拂、穠芳暖撲雲秉燭客來追貴主結褵人去嫁天君  
韶華未逐東風老薇省題詩酒半醺

上京翰苑書懷三首

沙草山低叫白翎松林春雨樹青、土房通火為長炕  
羶屋疏涼啟小櫺六月椒香駝貢乳九秋雷隱菌收釘  
誰知重見鰲峯客颯、臨風鬢已星

門外春橋漾綠波回尋紅藥過南坡已知積水皆為海  
不信疏星又隔河酒市杯陳金錯落人家冠簇翠盤陀  
薰風到面無蒸暑去鳥長雲柰客何

萬里雲沙碣石西高樓一望夕陽低谷量一作牛馬烟  
霞錯天險山河海岱齊貢篚銀貂金作藉官窰磁盞玉  
為泥朱央殿下長生樹還許尋巢彩鳳栖

自和星字韻

天路扶搖上鳳翎龍岡初雨佛螺青不須李實沉冰井  
却愛花陰轉月櫺蠻府納琛珠度絕精藍浮屋木攢釘  
要知聖世求賢急夜、官占處士星



九十三歲老人康寧居宣德府

我無麴蘖為春酒翁得期願作壽棚鳩杖賜來堪佚老  
鶉梁辭去不同升五原白磧秋迷樹一曲黃河夜合冰  
古有乞言今可待逍遙全福見玄魯

送胡長史之涪憲

涪水秋濤溢尾閭外臺清政自涵靈七州課最求儒効  
一府分曹責吏書冰蘖久知諧素履風霜茲復見廉車  
春坊記我魯聯屬懸喜迎親侍板輿

送史顯甫之南臺

江東宛在國門南臺府治書即坐談十道廉車彈鬼蜮

百城公櫝問榷柙高名不倩官為貴雅士方知浴可慙  
使節賜環君莫厭侍臣催入待傳柑

次韵王叅議寄上京胡安常諸公四首

永盤珍果進紅消九部新聲擬奏韶洛宅土中諸國會  
甘泉天近從臣朝仙官鳧至應飛鳥廉吏珠還豈織綃  
早晚秋河烏鵲度彩霓千丈不須橋  
石甃冰澌古不消廣寒張樂喜聞韶五防戲馬春旗合  
百隊回龍曉杖朝閭闔門高承藻井番禺縣遠貢鮫綃  
年，載筆陪京道題柱相如又過橋  
出輦晨移紫殿陰龍光天表影浮沉講臣白首求儒効



宰屬丹衷體聖心池上鳳凰當閣早洲邊鸚鵡浴江深  
太平化日長如歲賜酒頻來豈抱琴  
省中溫樹晝陰，郎署熏衣盡麝沉星近紫垣明上界  
日行黃道對天心和鸞秋駕車塵靜佩玉朝鳴漏水深  
好乞龍門灘上石種相千尺斷為琴

次韻宋顯夫

東觀著書閑日少還能信馬御溝行翠華閣迥天雲近  
海子橋長石棧平冰泮水深船對屋日遲春早樹迷城  
芳年似酒何人問盡屬而今坦率生

次韻王編修送彭道士南歸

故山松老鶴知年歸寓丹經帶契鈆鍊杏春林求水碧  
步靈秋館佩山玄石鞭海上無精衛花發江南有杜鵑  
一曲鑑湖何處覓我今騎馬似乘船

送杜時可堤舉儒學

成都萬里不可到見君西去動我情百鵲夜啼巴樹遠  
雙鳧秋浴滄江清學官米廩出邑屋弟子書笈過金籬  
三十儒冠素梓國猶記太常韶濩聲

贈陳玉林道士

學士書名御榻前先生歸卧大江邊飛龍亭在山還好  
伏虎丹成鼎不穿萬頃五林烟滿地九重金闕日升天



聖君若許秦淮去擬借雲房宿一年

貢院憶繼學治書

棘闈粉署隔重牆校藝分官屬正郎五夜風簾燒蠟燭  
九天冰樹剗龍香周旋接武尚書履供帳留茵御史床  
臚唱閣門春色曙侍臣應奏慶雲章

治書寵知誤用光字仍再次韻二首

金吾魚鑰限南牆襍被淹旬借直郎燈轉九枝回晝景  
筆題雙榜奪春光番禹珠璣寧無樹勾漏丹砂信有床  
明日大廷親策試昭回雲漢見天章  
春巷門深薜荔牆月輪修桂倩吳郎入簾縹緲浮簷影

出院紅筵映酒光駿馬百金還買骨靈龜五總不支床

治書臺上風霜剗回首文場賦和章

治書再和復次韻

西南春巷杏花墻索米長安漢戟郎市裏忽聞鷄吐綬  
海邊還報烏含香月移桂樹通階石芝發銅池謝井床  
曝直閣門休沐夕新詩刻燭賦千章

貢仲章待制寵和次韻

宮雲光影度椒墻待制官高不是郎夕拜日升龍尾道  
朝回天賜馬人牙一作香戴憑久負談經席阮籍唯知近  
酒床春巷杏花開未遍門前欣得碧霞章



高彦敬黃州雲山圖

雲山萬疊江南岸江北高樓眺望時晴靄  
菽橋過市夕霏蒼蔚樹連枝行人不帶遮塵帽  
遊客嘗携注酒卮我有故園淮水上竹岡相接到黃陂

濟南張老人

張翁八十髮青、閑愛湖光瀉醪醕不賣道邊居士履  
還隨天上老人星花濃蜜露鶯調舌石戴車雲鶴養翎  
我欲東遊華表柱古書重向伏生聽

畫古木

棗空河上生賢相楓老山中化羽人永借九閔當地軸

還魯八月上天津雷燒桐尾琴材古玉刻龍形劍具新  
兩蝕蒼皮苔護石泉春玉乳月翻輪東堤楊柳春烟暖  
西浦芙蓉曉露勻偃蹇孤根岩壑氣我知棧樸不為薪

繆郎中雪谷早行圖

十里寒林葉盡凋谷中深雪客行遙留運獻賦游梁苑  
辛苦哦詩過灞橋竹裂若聞金石奏山空不聽斧斤樵  
未央殿前冰花滿郎吏催班已趁朝

東平慈母

高堂慈母晝垂簾花蕊青春不拂簷雨濕堦蘭紅爍  
烟浮墳草碧纖、兒翻舊繡裝書帙女染新絲刺鏡奩



過客莫題華表柱聖鄉仁俗溢閭閻

鄆陵別南客

稜層林表白浮圖古鄆城高客望孤秋  
兩喜沽梁土麥  
暝烟愁合楚田蕪行人北上隨沙鴈  
歸客南還對渚鳧  
溱洧波清多草樹百年生聚尚繩樞

坐曹

太平文物屬儀曹長日垂簾手板操  
望裏鳶栖知省樹  
坐中鯨掣得官袍舍人草制春朝急  
郎吏分祠夜拜勞  
禮樂南宮官獨美尚書詩句詠蒲萄

盤居李氏

京塵弊盡洛生貂高隱盤居獨寂寥  
李愿固知周士貴  
黃公還受漢家招山中白石饑來煮  
鹽裏丹砂靜後燒  
夜讀五經同異處更嫌秋樹響風飄  
一作

寄弘長老雲山

曙雨初生蟬竦橋梵山吟嘒不移朝  
曾分禪榻春盤磚  
更想雲山夜寂寥  
蠶紙題詩尋伴少  
耶筒沽酒入城遙  
佛龕千丈金銀界  
照世酥燈弟子燒

贈醫士簡秋碧

華陽茅主送黃精大岳秦松與茯苓  
上藥相時登壽域  
良醫名世即仙靈  
教人攝氣如龜息  
咲我胖身豈鶴形



昔<sup>一作</sup>惜刀圭明月合浮生都可享遐齡

送西臺治書張孝錫

関符先過漢祠州鄉國淹遲父老留黃竹有歌天子聖  
青蒲無伏諫臣憂黃河夜落魚龍上華岳天低草樹浮  
萬里西南觀黜陟廳前涇渭已分流

送史秉文祠岳瀆還家

驛吏候官江漢晚皇華星使賜袍光金明縑藉得神玉  
鈿合文奩出内香井絡坤維山國壯朝宗南紀海天長  
過家下馬歌桑梓却咲相如負弩鄉

龍虎臺應制

龍虎臺高秋意多翠華來日似鳶坡天將山海為城塹  
人倚雲霞作綺羅周穆故慚黃竹賦漢高空奏大風歌  
兩京巡省非行幸要使蒼生樂至和

徽政院公退

早春天氣半晴陰坐隔宮牆望上林御水有波皆浴鳳  
官橋無柳不拖金相風竿直青雲近井幹樓高綠霧深  
朝路暮歸塵更合五方調馬出駸

贈洲道士

青田山中養仙鶴不去人間作小官夜拜竹宮穿紫氎  
晨飛鳧舄上玄壇蕊珠舊結杪攤子金粟新生沆瀣盤



我有滄洲仍不遠小山桂樹正團圓

送安慶路教主中夫

南國烟花一萬重船浮春水正溶溶  
舒州城壯山偏護  
博士官清即自封夜誦挑燈吟蟋蟀  
秋行携酒採芙蓉  
仙人李白今應在問訊時  
過宿松

送蘇州卜者

幾歲京華賃屋居得官猶苦食無魚  
成都誰問君平卜  
江左人知郭璞書春水浮空波緩緩  
秋機織字錦舒舒  
虎丘剩飲千鍾酒醉裏高歌唱闔閭

送胡古愚歸東陽二首

籍詩中一世豪瑶池三度食蟠桃  
小移夜雨紅蘭漿  
旋剪春風白紵袍供奉冰銜從古貴  
東陽酒價近來高  
行臺若見王公子道我官曹似馬曹  
江東廉使王繼學也

沈約才清不柰秋歸艤南去漫夷猶  
還家少拂雙鴛被  
到關重脩五鳳樓袍色映江榮錦里  
詩聲傳紙快書郵  
蘭溪畫燭非蓮炬春早來從十二旒

奉陪薦食英宗神御殿用繼學韻

乘右松陰偃翠虬先皇曾此駐龍輶  
茂陵弓劍隨天御  
原廟衣冠奉月游藉玉已行周制度  
酎金不罰漢諸侯  
百磬水陸脩菹醢望拜孤臣涕莫收



題道士山水畫

江翻墨瀋清冰絲白日沉，  
暝藹姿鶴影照雲星度竹。  
猿聲裂石澗沅漸千林兩暗歸人急萬里天長去鳥遲  
咫尺東南山水國仙翁曾約種靈芝

送客歸揚州

揚子江頭水拍天人家種柳住江邊  
吳娃蕩槳潮生浦楚客吹簫月滿船  
錦纜憶曾遊此地瓊花開不似當年  
竹西池館多紅藥日題詩舞袖前

挽黃平山次揭曼碩韻

半生書劍未淹遲奏賦明光紫橐垂  
西漢滿朝傷賈誼

南陽合郡愛宗資名書丹旒懸棺日  
餅啗紅綾賜食時

曾得香園陪末席淚流江浦月初離

送王叅政上京奏選二首

滇池細馬踏龍沙宰相朝天路不賒  
峽裏琴泉春作乳月中珠樹夜成花  
三千禮樂尊儒術百二山河壯帝家  
魚上禹門無點額直郎宣奏日當衙

千官吉日聽宣麻白髮文休要臣帝汝嘉池鳳有毛皆

五色蕊珠無樹不三花綠綈詔底書分兩紅錦囊中字

剪霞天路北盤三十六歸時秋月滿京華

贈內



幾年不到鹿門山，妻子相看亦強顏。  
桂樹有枝曾獨折，女蘿無蔓不同攀。  
仙人樓上騎黃鶴，野客籠中放白鷗。  
莫恨五湖波浪闊，鬢毛歸去未全斑。

陵州留別續總管

貨車同出鳳凰城，十日還同問水程。  
烟浦買魚寬客意，河梁分袂念交情。  
頌聲擬刻山陽石，名節重馳使者旌。  
我去淮南茅屋底，著書先記續侯名。

王道士慶壽堂

生男不必皆富貴，學道亦足傳其家。  
堂上日進青精飯，窓中曉發蟠桃花。  
放船過江槩蕩月，起屋對山門掩霞。

陶潛有子覓梨棗，小官折腰酒自賒。

畫海棠圖

石家五尺珊瑚樹，海國千房火齊珠。  
風雨春寒圍錦護，艷陽天煖倚闌扶。  
浣時應貯芙蓉水，香麝重重熏翡翠。  
爐紅膩不隨蜂，觜蝕粉勻終為蝶。  
身敷歲蕤綵纈盤，仙綬褰積雲羅絡。  
舞襦青帝化成非，幻有杜陵吟老却。  
知無催開每賴斟，鸚鵡吹落還因唱。  
鷓鴣曾見赤城花，亞蕊丹船此去不須圖。

送賁秀才還江東別業上壽

雅歌謦寫碧雲箋，共詫靈椿壽八千。  
天上飛光無短景，



人間上壽有長年看花曉塢扶鳩杖漲水春池上鷁船  
秀髮疎、松並綠方瞳炯、漆爭玄諸郎玉雪庭前滿  
仲氏文章海內傳養老會逢親執爵逸書重喜誦亡篇  
琴囊紅感天吳錦宿榻青栽海艾毡太史占祥南極下  
宰官造命忝階前雲林舊業青山近白首江東願一廬

送胡震亨述檢

獵、雙弓騎氣張古來逢掖試穿楊清江鏡鑄芙蓉月  
綠酒遙開玳瑁堂稻熟萬塍初下水橘垂千樹已經霜  
藍袍包裹迎丞簿莫負尚書薦鸚章

送毛真人還山

朱提仙印碧霞裳賜履承恩自尚方兩洒石壇苔錦滑  
日穿油幌竹書光葉鳧此日還滄海漢鵠當年下建章  
琪樹萬叢枝萬本江南歸路水雲香

奏對興聖殿後

萬花簇錦寶簾垂化日舒、漏下遲馬酒金盤流沆瀣  
凌人玉井出琉璃侍臣橐筆皆鸞鳳御士橐弓盡虎罷  
他日滄州應夢想紫宸端御放朝時

贈都省掾金世用

丞相東曹漢省郎青雲布一作武近含光龍門千丈魚  
先上遼水三秋鴈作行伯仲墳篋今又合季昆金玉古



猶光眷錫原畔多春草親令兒童禁牧羊

雜詠三首

百丈牽船沂上流清淮從古有三洲浮山堰逐降王去  
淝水波目小謝收紅樹有霜還可騎白蘋無雨更宜舟  
平生自是多行役莫信吾家馬少游

濠梁無客更觀魚游子行過莫問書潮落沙痕鷗泛少  
風回雲影鴈行疎歸帆夜宿山前寺從橐秋辭仗外車  
俯仰此身天地內滄洲重去帶經鋤

步出汀洲拾翠翎仙家幢節樹亭山  
濟蒼蔚籠沙穀波瀉漣漪漾醪醕黃鶴來時天有日玄猿啼處夜無星

舟行又過淮南國招隱詞高世莫聽

挽劉自謙

鯨海曾觀萬里塘青衫歸路髮蒼蒼江淹筆去文都盡  
度信名高宅已荒升斗鷄書何足論古今鵬一作賦更  
須傷都門醉酒皆兄弟目斷天南鴈數行

送貢仲章學士

名山星使漢官儀原隍光華四牡馳光武不矜銅馬式  
王褒先頌碧鷄祠江雲浮樹春船穩野雨鳴簷夜枕移  
白髮故人相憶苦可能千里寄梅枝

題李仲賓墨竹



石田聲確萬琅玕天乞幽人寫素紈帝里未求吹鳳管  
溪翁先覓釣魚竿玉烟乍合春還煖書粉初飄露已溥  
聞道澗河單舸賤截篙樂去看江端

西山

鳳城西去王泉頭楊柳堤長馬上游六月薰風吹別殿  
半天飛雨洒重樓山浮樹蓋連雲動露滴荷盤並水流  
艤岸龍舟能北望翠華來日正清秋

玄真觀借居

山光朝暮鳳池西襟被仙家共鶴栖且向竹林移坐具  
都將柿葉寫詩題宅門好傍神清洞書燭終燃太乙藜

昨夜玄壇星斗近步虛聲外望文奎

和閑、宋宗師牽字韻

牡丹芍藥殿春後落花游絲非有牽南城道士五芝秀  
東郭先生雙履穿飲酒不醉客來惡看劍長吟我豈仙  
空山松桂石齒、芒鞋襪行兩天

試院雜題十首

小雨霏微不作泥棘闌魚鑰待晨鷄銀袍影近花燈立  
綵戶光連粉署題霖霖已霑文運慶綢緼猶覺化釣齊  
端門三月黃金榜應有商霖應上奎  
蓮炬銀臺墮蠟泥遷匏重席織文鷄計偕萬里人交趾



骨買千金馬月題省樹春回珠蕊亞御溝冰泮纈彼齊  
臚傳名上多龍虎昨夕官占已報奎

詔寫封濕武都泥賜食沙羊雜樹鷄黃道日中依觀闕  
紫微天近隔棖題麒麟繞出千人賀鸞鷲初生五色齊  
聖主文明天下治澄三雲漢夾宸奎

一石黃涯半斛泥披沙新詔下金鷄校文眼澁尋詩句  
體國心勞選賦題須信楚材生六晉還知漢服出三齊  
太平有象文明盛帝主星垣望畫奎

春闈新雨透花泥學士聯詩擬閱鷄駉裏龍媒來大宛  
狡狴獅子出雕題宮花壓帽牌金小官錦裁袍綬絲齊

奏牘三千方朔健天章爛熳象西奎

歌詩且莫到青泥好倩王褒頌碧鷄人去淮南愁米價  
鴈來江北問書題催花曉樹飄簾密滋麥春膏覆壠齊  
最喜泰階平在位衆星分次繞明奎

切玉昆刀似切泥還憐石鏡舞山鷄殿前將奏長楊賦  
橋上應留駟馬題合浦珠光秋月並豐城劍氣夜雲齊  
校文學士清華職喉舌尚書亦近奎

宮曹連舍隔雲泥日下簷牙聽午鷄華表流蘇垂綬結  
承塵斗帳鏤銀題艷陽明處花開早社日來時燕到齊  
誰占少微江海上都將文氣應天奎



閨門不用一丸泥席帽慚聞客舍鷄心校五經無篋笥  
手書千牘有籤題馬來楊柳長橋曲舡去芙蓉斷岸齊  
明日杏園袍笏會紫薇垣外見重奎  
遊客春來醉若泥攝官一月伏鳩鷄連茵夜聽同年語  
寫紙朝分舉子題畫閣薰香金篆鬱銀臺燒燭玉虫齊  
太官已俱恩榮宴列宿重輝想次奎

貢院再用鷄字韻

五雲畫省擣紅泥孔雀屏開吐綬鷄射策第高天上奏  
抒情詩好竹間題珍珠箔裏新名滿鸚鵡班前外仗齊  
禮樂縱橫千卷字人間白日降靈奎

石城縣尉

石城縣尉坐寒廳日有新詩寫後屏官小不騎沙苑馬  
書多空識楚江萍老兵束矢除階草佐吏休衙罷閣鈴  
兄弟幾年為我友何時同舍究殘經

陋巷

入巷無溝水不流庭坳積潦拍堦浮塵埃久隔陂塘淨  
雲霧新和竹樹幽汎汎坐知雙鵲喜滔滔行想萬人憂  
今年吳會多杭稻廊廟應須念有秋

張居士

手種梧桐斲素琴新開墨沼寓來禽人間日下朱門別



江上年，碧草深勾漏，丹砂慚自乞。鹿門夫子，願同尋我。今五十，身多病，翹首南雲望故林。

送揚州方教授

煬帝宮前錦纜舟，江都不是古揚州。舡中鏡鑄芙蓉月，橋上簫吹楊柳秋。芹藻有歌來士子，魚鹽無賦到田疇。戴憑重席男兒事，莫向淮南怨白頭。

送四弟元學南歸

吳松江水是尊羨，汝獨南歸不憶兄。問訊泥塵騎馬出，曾如簫鼓擢舡行。潮通海浦鱸先到，雨濕書芸蠹未生。好葺鴨欄當宅後，吾耒同汝醉春城。

寄王繼學廉使

班超生入玉門關，聖德如天遠賜還。已有聲華通北斗，又將詞賦動南山。薇垣春滿雲猶濕，荔浦秋生月更彎。京國故人星散去，病來題字不能刪。

寄簡西碧縣尹

桃源縣令無齋馬，秋日吟詩江水頭。錢少陸機猶賃屋，才多王粲更登樓。之官便是民如子，趨府還知郡有侯。襦袴歌謠今在路，軺車微聘侍宸旒。

送薩天錫南歸

千里鍾陵路不遙，銀河可惜未通潮。龍江擬去浮三翼，



鴈嶺翻來給一軺愧有簡書煩遠使恨無詩句詠前朝  
清溪水漲荷花滿留水一作永南牀再見招

題京師山堂

夫君家住五雲邊却愛青山近几筵養得池魚通鳳沼  
飛來宮鳥認鷗天風篁曳玉香飄粉兩石生苔錦作錢  
我亦江東借官舍烟霞堆裏屋三椽

送胡廣御史丑德

江漢清秋萬里天繡衣持斧正當年滌溪船上芙蓉水  
合浦珠還牡蠣田臺樹霜寒飛白簡庭蘭日暖護青毡  
百城官屬勞重問自古難知即墨賢

喜小孫誦書

戈鈞為生不負丞江閔詞賦屬徐陵舊傳仙訣能食玉  
新試官箴合飲冰坐上看雲秋渺，夢中聽兩夜澄，  
淮天七月猶多暑喜見兒孫學聚螢

光山縣尹孔凝道作縣有聲鄉人為圖

光山近在故山西樹滿江頭稻滿畦隣屋讀書相教授  
社祠醉酒共提携水牛礪角嫌耕少野繭抽絲喜價低  
春兩行田無從吏獨騎齋馬畏青泥

無題四首

堯溝銀竹曙翻江閨苑涼風滿石幢葛令寄來丹白一



陶公歸去酒瓢雙梧桐寂寞陳公井薜荔扶疎玉女窓  
天畔帝車呼小鳳桂花流水夜涼

鶴城十二疊瑤光琪樹懸秋四面香蛺蝶染花生粉句  
玻璃著酒煖金黃熏爐舊夢憑荀令燭釵閑吟屬沈郎  
南國鴈來書不至江樓誰為製荷裳

三湘瀟洒恨無潮烏鵲填河願有橋丹穴鳳來龍樹遠  
海門魚去蜃樓遙已知京兆誇高髻不信章華鬪細腰  
舡尾橫江春水急長年無事醉吹簫

愛酒書生白髮垂鳶膠獺髓豈能醫漢宮鬪草端陽節  
唐殿穿針七夕時竹上蠟房真可買石間芝筍前似難移

揚雄擬奏河東賦但乞君王酒一卮

次前韻

岷峨山下錦城江好買玄都翡翠幢竹種篔簹千萬个  
鳥飛鷗鷺兩三雙銅龍漏下春生水金馬神來霧入窓  
花落天台招小隱胡麻飯熟石淙

切玉龍刀寶氣光袷羅半解麝臍香荔枝囊密媽紫靈  
橘團金顆黃秦氏故侯更漢主石家小婦嫁孫郎江  
心誰鑄芙蓉鏡照見嫦娥織翠裳

錢塘八月水生潮印笮千年竹架橋篔簹龍鬚天竺近  
衣裁蟬翼渚宮遙府中丞相魚垂帶閩外將軍箭插腰



無柰黃金閑買賦雲間學得鳳凰簫

樂部韋娘舞小垂病來能召翰林醫  
嘆人書奏三千牘  
勸客歌詩十二時  
金谷花枝隨雨盡  
石城江水逐潮移  
世間若有神仙術  
西去瑤池醉酒卮

大明殿進講畢侍宴得詩二首

勸講京闈咫尺天  
聖恩留侍大明筵  
東風律應軒轅樂  
左箇陽開月令篇  
春動仗旗回綵暈  
日浮窓鎖炫華鮮  
百珎水陸難名品  
曰笑傳柑詫昔年  
漢殿千門飾寶瑤  
直郎先奏進經朝  
諸儒泥古言雖固  
明主思賢道已昭  
飲酒敢同魚藻賦  
制詩真過栢梁朝

小臣橐筆詞垣側  
白日無翰遡赤霄

龍門

萬壑奔流一峽開  
君王歲了御龍來  
人間塵土常相隔  
天上星辰到此迴  
草木四時承午日  
風雲半夜束春雷  
自慚魯奏長門賦  
跋馬傍徨念暴鯁

還過龍門

紫塞秋高鳳輦迴  
龍門有客去還來  
蕩摩日月崑崙圻  
吐納風雲混沌開  
天帝有神司主宰  
地靈無力戴崔嵬  
誰知石瀨成飛雨  
不使時人污酒杯

次韻繼學桑軋嶺



雲間酒旆揭高竿蒼翠烟霞屋下看一迳似腸縈鳥道  
幾人如艇泛松瀾龍門有路夫津濕劔閣無銘石骨寒  
便欲乘風凌倒景八公先到我劉安

次韻送上官伯圭二首

閭闔風吹雨一作別州才華生世重前旒終軍閔右頰  
乘傳王粲荆南不上樓黃鶴白雲鸚鵡夢金陵江水鳳  
凰遊東舡載兩瀟湘北柿葉題詩寄十洲  
笛聲吹徹古梁州人自天南望宸流絲雨縈空黃篾舫  
瀏風清暑一作錦江樓武昌魚美三年別司馬文高萬  
里遊急買林田多釀酒重來袍色映滄洲

次韻李行齋集賢二首

仙掌高承玉露和夜涼如水曉生波鴈門鉄騎橫秋出  
象郡金輿映日多月落無烏啼石樹天低有客泛星河  
玉京斗酒錢三百醉倚鰲峰歌  
英聲藉甚著天門詩句年來與我論沙磧翳雲歌北塞  
稻畦分水夢東屯秋風八月欺茅屋夜雨三更注酒盆  
明日乘軋須繫馬翠華過處看承恩

寄姚叅政上都

南薰清暑上京居六月涼亭正好魚兩嶺火明山芍藥  
風田金動草一作早芙蓉甘泉曉仗臨前殿京兆秋塵



待屬車侍從文臣行不送舊寮偃蹇意何如

吊王儀伯左丞

生平不肯學時人死後如今毀譽真  
下惠獨全周士貴董生猶比漢儒醇  
中山舊宅詩書滿庚水荒阡草樹新  
身達位通心未遂傷哉誰識魯西麟

偶成二首

自愛屋南芳樹林十朝暑雨翠沉  
地清詎知無棲鳳烟合時復有鳴禽  
讀書草堂生曙彩望野古城留夕陰  
莫道楚鄉風物陋文章屈宋到如今  
出京不寄入京書淮水南邊有舊居  
官比馬曹過騎省

文曰狗監愧相如西岩仙杏終來鳳  
東谷湯泉亦戲魚豈是高情能放逸  
山中蘿桂正扶疎

送宋顯夫南歸

琵琶溝北識君初藉甚才華二十餘  
欲賦兔園于孝邸不因狗監進相如  
瀟湘路熟逢知己韋杜天低望故居  
携笏歸來拜丘壑南遊莫戀武昌魚

駕發上京

蒼龍對闕夾天閣秋駕凌晨出國門  
十里貔貅騎驤裏一雙日月繡旗幡  
講蒐獵較黃羊圈賜宴恩沾白獸尊  
赫奕漢家人物盛馬卿有賦在文園



和袁伯長待制送虞伯生博士祠祭嶽鎮江河  
后土二首

芙蓉仙掌坐中低后土霄光可齊棧路繞雲山有閣  
蜀天常漏石無泥岐陽過馬應聞鳳陳寶停輶莫信鷄  
使者才華似揚馬題詩應近草堂西  
房闥歌兒翠黛摧不禁夫婿陟崔嵬一春花好人相別  
四月梅黃雨又來酒酌玉缸酣臉暈香消銀葉蠹爐灰  
祠官好致君王意蚤奉神休馬首回

賀王淡齋韻就為壽

雕銳萬物巧無餘歲晚天教閉戶居鉅鹿無人問難字

濟南有子授心書且隨野老籠沙帽莫遣山童借筍輿  
淮北風流似西洛耆英今見此邦初

次吳真人梅花韻

羅浮度嶺大荒濱燕薊冰姿好寄身地勝不招金谷客  
賦成重寫洛川神碧窓逗日留私照丹井呼泉漬古春  
草木有知應自喜白衣如我是山人

次玄德真人韻

岡峦四合偃長虹寶閣騫然上御風萬里山河開日月  
九州茅土錫玉公麒麟織罽年、出驪褭馱金歲、同  
京國光陰清似水茶甌醒睡咲書空



寄贈揚州王鍊師

仙客吹笙踏月輪  
日遊淮海候尋真  
松花擣月分貧士  
柿葉題詩寄遠人  
清水有潮留載酒  
春雲不雨取裁巾  
江都千樹隋宮柳  
曾見先生綠髮新

菊枕

東籬采，數枝霜包裹  
西風入夢涼  
半夜歸心三徑路  
一作一囊秋色四屏香  
床頭未覺黃金盡  
鏡裏難教白髮長  
幾度醉來消不得  
卧收清氣入詩腸

琉璃簾

吳儂巧製玉玲瓏  
翡翠蝦鬚迥不同  
萬縷橫陳銀色界


一塵不入水晶宮  
月華遠射離，白燈影斜穿細，紅  
相隔神仙絕咫尺  
靈犀一點若為通

野興

滄洲梅發月生波  
屋角寒藤半掛蘿  
孤石隱林真似馬  
亂雲渡水却如鷺  
步隨野老逢人少  
閑過隣家有酒多  
轉憶淮南粳稻熟  
夜歸衝雨借田蓑

馬石田文集卷第三





卷三

三



